


七祖聖教卷下

目錄

往生要集

選擇本願念佛集



往生要集卷上本

盡第四門半

天台首楞嚴院沙門源信撰

夫往生極樂之教行濁世末代之目足也道俗貴賤
誰不歸者但顯密教法其文非一事理業因其行惟
多利智精進之人未為難如予頑魯之者豈敢矣是
故依念佛一門聊集經論要文披之修之易覺易行
總有十門分為三卷一厭離穢土二欣求淨土三極
樂證據四正修念佛五助念方法六別時念佛七念
佛利益八念佛證據九往生諸業十問答料簡置之

座右備於廢忘矣

大文第一厭離穢土者夫三界無安最可厭離今明其相總有七種一地獄二餓鬼三畜生四阿修羅五人六天七總結

第一地獄亦分爲八一等活二黑繩三衆合四叫喚五大叫喚六焦熱七大焦熱八無間初等活地獄者在於此閻浮提之下一千由旬縱橫一萬由旬此中罪人互常懷害心若適相見如獵者逢鹿各以鐵爪而互毆裂血肉既盡唯有殘骨或獄卒手執鐵杖鐵棒從頭至足遍皆打築身軀破碎猶如沙揣或以極利刀分分割肉如厨者屠魚肉涼風來吹尋活如故欬然復起如前受苦或云空中有聲云此諸有情可還等活或云獄卒以鐵叉打地唱云活活如是等苦不可具述已上依智度論瑜伽論諸經要集撰之以人間五十年爲四天王天一日一夜其壽五百歲以四天王天壽爲此地獄一日一夜其壽五百歲殺生之者墮此中已上壽量依俱舍業因依正法念經下六亦同之優婆塞戒經以初天一年爲初地獄日夜下去準之此地獄四門之外復有十六眷

屬別處一尿泥處謂有極熱尿泥其味最苦金剛噉
虫充滿其中罪人在中食此熱屎諸虫聚集一時競
食破皮噉肉折骨啞髓昔殺鹿殺鳥之者墮此中二
刀輪處謂鐵壁周匝高十由旬猛火熾然常滿其中
人間之火比此如雪纔觸其身碎如芥子又兩熱鐵
猶如盛雨復有刀林其刃極利復兩刃如雨而下衆
苦交至不可堪刃昔貪食物殺生者墮此中三瓮熱處
謂執罪人入鐵瓮中煎熟如豆昔殺生煮食者墮此
中四多苦處謂此地獄有十千億種無量楚毒不可
具說昔以繩縛人以杖打人驅人令行於遠路從險
處落入薰煙惱人令怖小兒如是等種種惱人者皆
墮此中五闇冥處謂在黑闇處常爲闇火所燒大力
猛風吹金剛山令磨令碎猶如散沙熱風所吹如利
刀割昔大火炎噉羊口鼻二博之中置龜押殺者墮
此中六不喜處謂有大火炎晝夜焚燒熱炎噉鳥狗
犬野干其聲極惡甚可怖畏常來食噉骨肉狼藉金
剛噉虫骨中徃來而食其髓昔吹貝打鼓作可畏聲
殺害鳥獸者墮此中七極苦處謂在險岸下常爲鐵

火所燒昔放逸殺生者墮此中

已上依正法經自二餘九處經中不說

黑繩地獄者在等活下縱廣同前獄率執罪人卧熱

鐵地以熱鐵繩縱橫拼身以熱鐵斧隨繩切割或以

鋸解或以刀屠作百千段處處散在又懸熱鐵繩交

橫無數驅罪人令入其中惡風暴吹交絡其身燒肉

焦骨楚毒無極

已上瑜伽論智度論

又左右有大鐵山山上各

建鐵幢幢頭張鐵繩繩下多有熱鑊驅罪人令負鐵

山從繩上行遙落鐵鑊推煮無極

觀佛三昧經

等活地獄

及十六別處一切諸苦十倍重受獄率呵責罪人云

心是第一怨此怨最為惡此怨能縛人送到閻羅處

汝獨地獄燒為惡業所食妻子兄弟等親族眷屬不

能救

乃至廣說

後五地獄各以前前一切地獄所有之諸

苦十倍重受例應知之

已上正法念經意

以入間一百歲為

忉利天一日夜其壽一千歲以忉利天壽為一日夜

此地獄壽一千歲殺生偷盜者墮此中復有異處名

等喚受苦處謂舉在峻岸無量由旬熱炎黑繩束縛

繫已然後推之墮利鐵刀熱地之上鐵炎牙狗之所

噉食一切身分分分離唱聲吼喚無有救者昔說

法依惡見論一切不實不顧一切投岸自殺者墮此
中復有異處名畏鷲鳥處謂獄率怒杖急打晝夜常走
手執火炎鐵刀挽弓弩箭隨後走逐斫打射之昔貪
物故殺人縛人奪食者墮此中

正法念
經畧抄

三衆合地獄者在黑繩下縱廣同前多有鐵山兩山
相對牛頭馬頭等諸獄率手執器械驅令入山間是
時兩山迫來合押身躰摧碎血流滿地或有鐵山從
空而落打於罪人碎如沙揣或置石上以嚴押之或
入鐵臼以鐵杵擣極惡獄鬼并執鐵師子虎狼等諸
獸鳥鷲等鳥競來食噉

瑜伽論
大論

又鐵炎噉鷲取其腸

已挂在樹頭而噉食之彼有大江中有鐵鉤皆悉火
燃獄率執罪人擲彼河中墮鐵鉤上又彼江中有熱
赤銅汁漂彼罪人或身如日初出者有身沈沒如
重石者有舉手向天而號哭者有共相近而號哭者
久受大苦無主無救又復獄率取地獄人置刀葉林
見彼樹頭有好端正嚴飾婦女如是見已卽上彼樹
樹葉如刀割其身肉次割其筋如是劈割一切處已
得上樹已見彼婦女復在於地以欲媚眼上看罪人

作如是言念汝因緣我到此處汝今何故不來近我
何不抱我罪人見已欲心熾盛次第復下刀葉向上
利如剃刀如前遍割一切身分既到地已而彼婦女
復在樹頭罪人見已而復上樹如是無量百千億歲
自心所誑彼地獄中如是轉行如是被燒邪欲爲因
至乃獄率呵嘖罪人說偈曰非異人作惡異人受苦報
自業自得果衆生皆如是正法念經以人間二百歲爲夜
摩天一日夜其壽二千歲以被天壽爲此地獄一日
夜其壽二千歲殺生偷盜邪淫者墮此中此大地獄
復有十六別處謂有一處名惡見處取他兒子強逼
邪行令號哭者墮此受苦謂罪人見自兒子在地獄
中獄率若以鐵杖若以鐵錐刺其陰中若以鐵鉤釘
其陰中既見自子如是苦事愛心悲絕不可堪忍此
愛心苦於火燒苦十六分中不及其一彼人如是心
苦逼已復受身苦謂頭面在下盛熱銅汁灌其糞門
入其身內燒其熟藏大小腸等次第燒已在下而出
具受身心二苦無量百千年中不止又有別處名多
苦惱謂男於男行邪行者墮此受苦謂見本男子二

切身分皆悉熱炎來抱其身一切身分皆悉解散死
已復活極生怖畏走避而去墮於峻岸有炎晴鳥炎
口野干而噉食之復有別處名忍苦處取他婦女者
墮此受苦謂獄率懸之樹頭頭面在下足在於上下
燃火炎燒一切身燒盡復生唱喚開口火從口入燒

已上正法念經畧抄之

其心肺生熟藏等餘如經說四叫喚地獄者在衆合下縱廣同前獄率頭黃如金

眼中火出著赭色衣手足長大疾走如風口出惡聲

而射罪人罪人惶怖叩頭求哀願垂慈愍小見放捨

雖有此言彌增瞋怒論大或以鐵棒打頭從熱鐵地令

走或置熱熬及覆炙之或擲熱鑊而煎煮之或驅入

猛炎鐵室或以鉗開口而灌洋銅燒爛五藏從下直

出瑜伽論大論罪人說偈傷恨閻羅人言汝何無悲心復

何不寂靜我是悲心器於我何無悲時閻羅人答罪

人曰已為愛網誑作惡不善業今受惡業報何故瞋

恨我又云汝本作惡業為欲癡所誑彼時何不悔今

悔何所及正法念經以人間四百歲為都率天一日夜其

歲以都率壽為此地獄一日夜而壽四千歲殺盜婦

飲酒者墮此中復有十六別處其中有一處名火末

虫昔賣酒加益水者墮此中具四百四病風黃冷雜各有百一

病合有其一病力於一日夜能令四大洲若干人皆

死又自身虫出破其皮肉骨髓飲食復有別處名雲

火霧昔以酒與人令醉已調戲弄之令彼羞耻者墮

此受苦謂獄火滿厚二百肘獄率投罪人令行火中

從足至頭一切洋消舉之還生如是無量百千歲與

苦不止餘如經文又獄率呵責罪人說偈云於佛所

生癡壞世出世事燒解脫如火所謂酒一法正法念經

五大叫喚地獄者在叫喚下縱廣同前苦相亦同但

前四地獄及諸十六別處一切諸苦十倍重受以人

間八百歲為化樂天一日夜其壽八千歲以彼天壽

為此獄一日夜其壽八千歲殺盜婦飲酒妄語者墮

此中獄率呵責罪人說偈云妄語第一火尚能燒大

海況燒妄語人如燒草木薪復有十六別處其中一

處名受鋒苦熱鐵利針口舌俱刺不能啼哭復有別

處名受無邊苦獄率以熱鐵鉗拔出其舌拔已復生

生則復拔拔二眼亦然復以刀削其身刀甚薄利如

剃頭刀受如是等異類諸苦皆是妄語之果報也餘

如經說

正法念
經畧抄

六焦熱地獄者在大叫喚之下縱廣同前獄率投罪人卧熱鐵地上或仰或覆從頭至足以大熱鐵棒或打或築令如肉搏或置極熱大鐵熬上猛炎炙之左右轉之表裏燒薄或以大鐵串從下貫之徹頭而出反覆炙之令彼有情諸根毛孔及以口中悉皆炎起或入熱鑊或置鐵樓鐵火猛盛徹於骨髓瑜珈論大論若以此獄豆許之火置閻浮提一時焚盡沉罪人之身

又如生蘇長時焚燒豈可忍哉此地獄人望見前五

地獄之火猶如霜雪

正法
念經

以入間千六百歲為他化

天一日夜其壽萬六千歲以他化天壽為日夜此獄

壽亦然殺盜婦飲酒妄語邪見之者墮此中四門之

外復有十六別處其中有一處名分荼離迦謂彼罪

人一切身分無芥子許無火炎處異地獄人如是說

言汝汝疾疾速速來來此有分荼離迦池有水可飲

林有潤影隨而走趣道上有坑滿中熾火罪人入已

一切身分皆悉燒盡燒已復生生已復燒渴欲不息

便前進入既入彼處分荼離迦炎燃高火五百由旬
彼火燒炙死而復活若人自餓死望得生天復教他
人令住邪見者墮此中復有別處名閻火風謂彼罪
人惡風所吹在虛空中無所依處如輪疾轉身不可
見如是轉已異刀風生碎身如沙分散十方散已復
生生已復散恒常如是若人作如是見一切諸法有
常無常無常者身常者四大彼邪見人受如是苦餘

如經說

正法
念經

七大焦熱地獄者在焦熱下縱廣同前苦相亦同

論大

論但前六地獄根本別處一切諸苦十倍具受不

可具說其壽半中劫殺盜媾飲酒妄語邪見并汗淨
戒尼者墮此中此惡業人先於中有見大地獄相有
閻羅人面有惡狀手足極熱換身怒肱罪人見之極
大怖怖其聲如雷吼罪人聞之恐怖更增其手執利
刀腹肚甚大如黑雲色眼炎如燈鉤牙鋒利臂手皆
長搖動作勢一切身分皆悉鹿起如是種種可畏形
狀擊繫罪人咽如是將去過六十八百千由旬地海
洲城在海外邊復行三十六億由旬漸漸向下十億

由旬一切風中業風第一如是業風將惡業人去到
彼處既到彼已閻魔王種種呵責呵責既已惡業霜
縛出向地獄遠見大焦熱地獄普大炎燃又聞地獄
罪人啼哭之聲悲愁恐魄受無量苦如是無量百千
萬億無數年歲聞啼哭聲十倍恐魄心驚怖畏閻羅
人呵責之言汝聞地獄聲已如是怖畏何況地獄燒
如燒乾薪草火燒非是燒惡業乃是燒火燒則可滅
業燒不可滅云云如是苦呵責已將向地獄有大火
聚其聚舉高五百由旬其量寬廣二百由旬炎燃熾
盛彼人所作惡業勢力急擲其身墮彼火聚如大山
岸推在險岸已上正法
念經畧抄此大焦熱地獄四門之外有
十六別處其中一處一切無間乃至虛空皆悉炎燃
無針孔許不炎燃處罪人火中發聲唱喚無量億歲
常燒不止犯清淨優婆塞者墮此中復有別處名普
受一切苦惱謂炎刀剝割一切身皮不侵其肉既剝
其皮與身相連敷在熱地以火燒之以熱鐵沸灌其
身體如是無量億千歲受大苦也比丘以酒誘誑持
戒婦女壞其心已然後共行或與財物者墮此中餘

如經中說正法念經畧抄

八阿鼻地獄者在大焦熱之下欲界最底之處罪人趣向彼時先中有位啼哭說偈言一切唯火炎遍空無中間四方及四維地界無空處一切地獄處惡人皆遍滿我今無所歸孤獨無同伴在惡處閻中入大火炎聚我於虛空中不見日月已時閻羅人以瞋怒心答曰或增劫或減劫大火燒汝身癡人已作惡今何用生悔非是天脩羅健達波龍鬼業網所繫縛無人能救汝如於大海中唯取一掬水此苦如一掬後苦如大海既呵責已將向地獄去彼二萬五千由旬聞彼地獄啼哭之聲十倍悶絕頭面在下足在於上逕二千年皆向下行正法念經畧抄彼阿鼻城縱廣八万由旬七重鐵城七層鐵網下有十八隔刀林周圍四角有四銅狗身四十由旬眼如電牙如劍齒如刀山舌如鐵荆一切毛孔皆出猛火其烟鼻惡世間無喻有十八獄率頭如羅刹口如夜叉有六十四眼迸散鐵丸鉤牙上出高四由旬牙頭火流滿阿鼻城頭上有八牛頭一牛頭有十八角一一角頭皆出猛火又

七重城內有七鐵幢幢頭火踊猶如沸泉其炎流迸
亦滿城內四門闔上有八十金沸銅涌出亦滿城內
一一隔間有八万四千鐵蜂大蛇吐毒吐火身滿城
內其蛇哮吼如百千雷雨大鐵丸亦滿城內有五百
億虫有八万四千階階頭火流如雨而下此虫下時
獄火彌盛遍照八万四千由旬又八万億千苦中苦
者集在此中觀佛三昧經畧抄 瑜珈第四云從東方多百踰
繕那三熱大鐵地上有猛熾火騰焰而來刺彼有情
穿皮入肉斷筋破骨復徹其髓燒如脂燭如是舉身
皆成猛焰如從東方南西北方亦復如是由此因緣
彼諸有情與猛焰和雜唯見火聚從四方來火焰和
雜無有間隙所受苦痛亦無間隙唯聞苦逼號叫之
聲知有衆生又以鐵箕盛滿三熱鐵炭而斂揃之復
置熱鐵地上令登大熱鐵山上而復下下而復上從
其口中拔出其舌以百鐵釘而張之令無皺褻如張
牛皮復更仰卧熱鐵地上以熱鐵鈷鈷口令開以三
熱鐵丸置其口中卽燒其口及以咽喉徹於府藏從
下而出又以洋銅而灌其口燒喉及口徹於府藏從

下流出已上瑜伽言三熱者燒燃極燒燃遍極燒燃也前七大地獄并及別

處一切諸苦以為二分阿鼻地獄一千倍勝如是阿

鼻地獄之人見大焦熱地獄罪人如見他化自在天

處四天下處欲界六天聞地獄氣即皆消盡何以故

以地獄人極是故地獄是氣何故不來有二大山一

名出山二名沒山遮彼鼻氣若人聞一切地獄所有

苦惱皆悉不堪聞此則死如是阿鼻大地獄處於千

分中不說一分何以故不可說盡不可得聽不可譬

喻若有人既說有人聽如是之人吐血而死正法念經畧抄

此無間獄壽一中劫俱舍論造五逆罪撥無因果誹謗

大乘犯四重虛食信施者墮此中觀佛三昧經此無間獄

四門之外亦有十六眷屬別處其中一處名鐵野干

食處謂罪人身上火燃十由旬量諸地獄中此苦最

勝又兩鐵博如盛夏雨身體破碎猶如乾脯炎牙野

干常來食噉於一切時受苦不止昔燒佛像燒僧房

燒僧卧具者墮此中復有別處名黑肚處謂飢渴燒

身自食其肉食已復生生已復食有黑肚地繞被罪

人始從足甲漸漸齧食或入猛火焚燒或在鐵鑊煎

煮無量億歲受如此苦昔取佛財物食用者墮此中
 復有別處名兩山聚處謂一由旬量鐵山從上而下
 打彼罪人碎如沙揣碎已復生生已復碎又有十一
 炎周遍燒身又獄率以刀遍割身分極熱白錫汁入
 其割處四百四病具足常有長久受苦無有年歲昔
 取碎支佛之食自食不與之者墮此復有別處名閻
 婆卮度處有惡鳥身大如象名曰閻婆嚙利生炎執
 罪人遙上空中東西遊行然後放之如石墮地碎為
 百分碎已復合合已復執又利刃滿道割其足脚或
 有炎齒狗來齧其身於長久時受苦惱昔決斷人用
 之河令人渴死之者墮此餘如經說已上正法念經瑜伽第
 四通說八大地獄近邊別處云謂彼一切諸大那落
 迦皆有四方四岸四門鐵牆圍遶從其四方四門出
 已其一門外置四出國謂燒煨齊膝彼諸有情出
 求舍宅遊行至此下足之時皮肉及血并即消爛舉
 足還生次此燒煨無間即有屍糞泥此諸有情為求
 舍宅從彼出已漸漸遊行陷入其中首足頓沒又屍
 糞泥內多有諸虫名穢矩吒穿皮入肉斷筋破骨取

隨而食次屍糞泥無間有利刀劔仰刀爲路彼諸有情爲求舍宅從彼出已遊行至此下足之時皮肉筋血悉皆消爛舉足之時還復如故次刀劔刀路無間有刀葉林彼諸有情爲求舍宅從彼出已往趣彼陰纔坐其下微風逐起刀葉墮落斫截其身一切支節便卽躡地有黑鰲狗耆耨脊胎而噉食之從此刀葉林無間有鐵設粒末梨林彼諸有情爲求舍宅便來趣之遂登其上當登之時一切刺鋒悉迴向下欲下之時一切刺鋒復迴向上由此因緣貫刺其身遍諸支節爾時便有鐵嘴大鳥上彼頭上或上其膊探啄眼睛而噉食之從鐵設粒末梨林無間有廣大河沸熱灰水彌滿其中彼諸有情尋求舍宅從彼出已來墮此中猶如以豆置之大鑊煖熾熾火而煎煮之隨湯騰湧周旋迴復於河兩岸有諸獄率手執杖索及以大網行列而住遮彼有情不令得出或以索羅或以網漉復置廣大熱鐵地上仰彼有情而問之言汝等今者欲何所須如是答言我等今者竟無覺知然爲種種飢苦所逼時彼獄率卽以鐵鈷鈷口令開便

以極熱燒燃鐵丸置其口中餘如前說若彼答言我
 今唯為渴苦所逼爾時獄率便即洋銅以灌其口由
 是因緣長時受苦乃至先世所造一切惡業能感那
 落迦惡不善業未盡未出此中若刀劔刃路若刀葉
 林若鐵設粒末梨林總之為一故有四園已上瑜伽并俱舍意
 一一地獄四門之外各有四園合為十六不復有類
 同正法念經八大地獄十六別處名相各別
 部陀等八寒地獄具如經論不遑述之

第二明餓鬼道者住處有二一者在地下五百由旬
 閻魔王界二者在入天之間其相甚多今明少分或

身長一尺或身量如人或千踰繕那或如山大集經或

有鬼名鑊身其身長大過人兩倍無有面目手足猶

如鑊脚熱火滿中焚燒其身昔貪財屠殺之者受此

報或有鬼名食吐其身廣大長半由旬常求嘔吐困

不能得昔或丈夫自噉美食不與妻子或婦人自食

不與夫子受此報或有鬼名食氣世人依病水邊林

中設祭嗅其香氣以自活命者昔於妻子等前獨噉

美食者受此報或有鬼名食法於嶮難處馳走求食

色如黑雲淚流如雨若至僧寺有人咒願說法之時

因此得力活命昔爲貪名利不淨說法之者受此報
或有鬼名食水飢渴燒身周障求水困不能得長髮
覆面目無所見走趣河邊若人渡河脚足之下遺落
餘水速疾接取以自活命或人樹水施亡父母則得
少分命得存立若自取水守水諸鬼以杖撻打昔沽
酒加水或沈蛆蛾不修善法者受此報或有鬼名怖
望世人爲亡父母設祀之時得而食之餘悉不能食
若人勞而得小物誑惑取用之者受此報或有鬼生
海渚中無有樹林河水其處甚熱以彼冬日比人間
夏過踰千倍唯以朝露而自活命雖住海渚見海枯
竭昔行路之人病苦疲極欺取其賣與直薄少之者
受此報或有鬼常至塚間噉燒火屍猶不能足昔典
主刑獄取人飲食者受此報或有鬼生在樹中逼迫
押身如賊木虫受大苦惱昔伐陰涼樹及伐衆僧園
林之者受此報正法念經復有鬼頭髮垂下遍纏身體其
髮如刀刺切其身或變作火周匝焚燒或有鬼晝夜
各生五子隨生食之猶常飢乏六波羅密經復有鬼一切
之食皆不能噉唯自破頭取腦而食或有鬼火從口

出飛蛾沒火以為飲食或有鬼食糞涕濃血洗器遺
 餘大又有依外障不得食鬼謂飢渴常急身體枯竭
 適望清流走向趣彼有大力鬼以杖打或變作火或
 悉枯涸或有依內障不得食鬼謂口如針孔腹如大
 山縱逢飲食無由噉之或有無內外障而不能用鬼
 謂適逢少食而食噉者變作猛焰燒身而出論喻伽以
 人問一月為一日夜成月年壽五百歲正法念經云
 慳貪嫉妬者墮餓鬼道

第三明畜生道者其住處有二根本住大海支末雜
 八天別論有三十四億種類總論不出三二者禽類
 二者獸類三者虫類如是等類強弱相害若飲若食
 未曾暫安晝夜之中常懷怖懼況復諸水性之屬為
 漁者所害諸陸行之類為獵者所害若如象馬牛驢
 駱駝騾等或鐵鉤斷其腦或穿鼻中或纏繫首身常
 負重加諸杖捶但念水草餘無所知又蚰蜒鼠狼等
 閻中而生閻中死蟻蠶蚤等依人身生還依人死又
 諸龍衆受三熱苦晝夜無休或復蟒蛇其身長大龍
 駘無足宛轉腹行為諸小虫之所啖食或復有如二

毛百分或如空中遊塵或如十千由旬如是諸畜生
或經一時頃或七時頃或有一劫乃至百千万億劫
受無量苦或遇諸違緣數被殘害此等諸苦不可勝
計愚癡無慚徒受信施他物不償者受此報已上諸
文散在

經論

第四明阿修羅道者有二根本勝者住須彌山北巨
海之底支流劣者在四大州間山巖之中雲雷若鳴
謂是天鼓怖畏周章心大戰悼亦常為諸天之所侵
害或破身體或及其命又日日三時苦具自來逼害

種種憂苦不可勝說

第五明人道者略有二相應審觀察一不淨相二苦
相三無常相

一不淨者凡人身中有三百六十之骨節節相拄謂
指骨拄足骨足骨拄踝骨踝骨拄跗骨跗骨拄膝骨
膝骨拄脛骨脛骨拄腕骨腕骨拄腰骨腰骨拄背骨
背骨拄勒骨復背骨拄項骨項骨拄頷骨頷骨拄牙
齒上有齶腭復項骨拄肩骨肩骨拄臂骨臂骨拄腕
骨腕骨拄掌骨掌骨拄指骨如是展轉次第鑲成大

三百六十骨聚所成如朽壤含諸節支持以四細脈
 周匝彌布五百分穴猶如泥塗六脈相繫五百筋纏
 七百細脈以為編絡十六處脈鈎帶相連有二穴繩
 長三尋半於內纏結十六腸胃繞生熱藏二十五氣
 脈猶如空隙一百七關宛如破碎器八万毛孔如亂
 草覆五根七竅不淨盈滿七重皮裹六味長養猶如
 祠火吞受無厭如是之身一切是穢自性憤爛誰當
 於此愛重憍慢寶積經九十六或云九百變覆其上九百筋
 連其間有三万六千之脈三升之血在中流注有九

十九万之毛孔諸汗常出九十九重之皮而裹其上

曰上身中骨肉等又腹中有五藏葉葉相覆靡靡向下狀如

蓮華孔竅空疎內外相通各有九十重肺藏在上

其色白肝藏其色青心藏在中央其色赤脾藏其色

黃腎藏在下其色黑又有六腑謂大腸為傳送之府

亦為肺府長三尋半其色白膽為清淨之府亦為肝

府其色青小腸為受盛之府亦為心府長十六尋其

色赤胃為五穀之府亦為脾府三升糞在中其色黃

膀胱為津液之府亦為腎府一斗尿在中其色黑三

騰為中瀆之府如此等物縱橫分布大小二腸赤白

交色十八周轉如毒蛇蟠已上腹中府藏又從頂至跌從髓

至膚有八万户虫四頭四口九十九尾形相非一一

一户復有九万細虫小於秋毫禪經次第寶積經云

初出胎時經於七日八万户虫從身而生縱橫食噉

有二户虫名為舐髮依髮根住常食其髮二户虫名

繞眼依眼住常食眼四户虫依腦食腦一户名稻葉

依耳食耳一户名藏口依鼻食鼻二户一名遙擲二

名遍擲依唇食唇一户名針口依舌食舌五百户依

左邊食左邊右邊亦然四户食生藏二户食熟藏四

户依小便道食尿而住四户依大便道食糞而住乃

至一户名黑頭依脚食脚如是八万依止此身晝夜

食噉令身熱惱心有憂愁眾病現前無有良醫能為

除療出第五十卷抄僧伽吒經說人將死時諸虫怖畏互

相噉食受諸苦痛男女眷屬生大悲惱諸虫相食唯

有二虫七日鬪諍過七日已一虫命盡一虫猶存上

虫又縱食上饌眾味逕宿之間皆為不淨譬如糞穢

大小俱是此身亦爾從少至老唯是不淨傾海水洗

不可令淨潔外雖施端嚴相內唯暴諸不淨猶如畫

瓶而盛糞穢取大論止觀等意故禪經偈云知身臭不淨愚

者故愛惜外視好顏色不觀內不淨已上舉身不淨況復命

終之後捐捨塚間經一二日乃至七日其身腫脹色

變青瘀臭爛皮穿膿血流出鵝鷄鳥野干狗等種

種禽獸齧嚼食噉禽獸食已不淨潰爛有無量種蟲

蛆雜出臭處可惡過於死狗乃至成白骨已支節分

散手足觸體各在異處風吹日曝雨灌霜封積有歲

年色相變異遂腐朽碎未與塵土相和已上究竟不淨見大般若

止觀當知此身始終不淨所愛男女皆亦如是誰有

智者更生樂著故止觀云未見此相愛深甚強若見

此已欲心都罷懸不忍耐如不見糞猶能噉飯忽聞

臭氣即便嘔吐又云若證此相雖復高眉翠眼皓齒

丹脣如一聚屎粉覆其上亦如爛屍假著繒彩尚不

眼見況當身近雇鹿杖自害况歎抱媯樂如是想者

是媯欲病之大黃湯

二苦者此身從初生時常受苦惱如寶積經說若男

若女適生墮地或以手捧或衣承接或冬夏時冷熱

風觸受大苦惱如生剝牛觸於牆壁取長大之後亦

多苦惱同經說受於此身有二種苦所謂眼耳鼻舌

咽喉牙齒胸腹手足有諸病生如是四百四病逼切

其身名為內苦復有外苦所謂或在牢獄搥打楚撻

或刺耳鼻及削手足諸惡鬼神而得其便復為蚊虻

蜂等毒虫之所咬食寒熱飢渴風雨并至種種苦惱

逼切其身此五陰身一一威儀行住坐卧無不皆苦

若長時行不暫休息是名為外苦住及坐卧亦復皆

苦畧諸餘苦相眼前可見不可俟說

三無常者涅槃經云人命不停過於山水今日雖存

明亦難保云何縱心令住惡法出曜經云此日已過

命即減少如小水魚斯有何樂摩耶經偈云譬如梅

陀羅驅牛至屠所步步近死地人命亦如是已設雖

有長壽業終不免無常設雖感富貴報必有衰患期

如大經偈云一切諸世間生者皆歸死壽命雖無量

要必有終盡夫盛有必衰合會有別離壯年不久停

盛色病所侵命為死所吞無有法常者又罪業應報

已復缺尊榮高貴者無常速過是當念勤精進頂禮
 無上尊上已非唯諸凡下有此怖畏登仙得通者亦復
 如是如法句譬喻經偈云非空非海中非入山石間
 無有他方處脫止不受死騰空入海隱巖三當知諸
 餘苦患或有免者無常一事終無避處須如說修行
 欣求常樂果如止觀云無常殺鬼不釋豪敵危脆不
 堅難可恃怙云何安然規望百歲四方馳求貯積聚
 歛聚歛未足溘然長往所有產貨徒為陀有冥冥獨
 逝誰訪是非若覺無常過於暴水猛風制電山海空

市無逃避處如是觀已心大怖畏眠不安席食不甘
 哺如救頭燃以求出要又云譬如野干失耳尾牙詎
 眠望脫忽聞斷頭心大驚怖遭生老病尚不為急死
 事弗奢那得不怖怖心起時如履湯火五塵六欲不
 暇貪染已上取意人道如此實可厭離

第六明天道者有三一者欲界二者色界三者無色
 界其相既廣難可具述且舉一處以例其餘如彼切
 利天雖快樂無極臨命終時五衰相現一頭上花鬘
 忽萎二天衣塵垢所著三腋下汗出四兩目數眇五

不樂本居是相現時天女眷屬皆悉遠離棄之如草
偃卧林間悲泣歎曰此諸天女我常憐愍云何一旦
棄我如草我今無依無怙誰救我者善見宮城於今
將絕帝釋寶座朝謁無由殊勝殿中永斷瞻望釋天
寶象何日同乘象車苑中無復能見蘆漚苑內甲冑
長辭雜林苑中宴會無日歡喜苑中遊止無期劫波
樹下白玉熨石更無坐時曼陀枳尼殊勝池水沐浴
無由四種甘露卒難得食五妙音樂頓絕聽聞悲哉
此身獨嬰此苦願垂慈悲救我壽命更延少日不亦

樂乎勿令墮彼馬頭山浚焦海雖作是言無敢救者

六波羅密經當知此苦甚於地獄故正法念經偈云天上

欲退時心生大苦惱地獄眾苦毒十六不及一又大

德天既生之後舊天眷屬捨而從彼或有威德天不

順心時驅令出宮不能得往瑜伽餘五欲天悉有此苦

上二界中雖無如此事終有退沒之苦乃至悲想不

免阿鼻當知天上亦不可樂天道

第七總結厭相者謂一篋偏苦非可耽荒四山合來
無所避遁而諸眾生以眷愛有蔽深著於五欲非常

謂常非樂謂樂彼如洗滌直隄猶蓋厭況復刀山火
湯漸將至誰有智者寶玩此身乎故正法念經偈云
智者常懷憂而似獄中囚愚人常歡樂猶如光音天
寶積經偈云種種惡業求財物養育妻子謂歡娛臨
命終時苦逼身妻子無能相救者於彼三塗怖畏中
不見妻子及親識車馬財寶屬他人受苦誰能苦分
者父母兄弟及妻子朋友僮僕并珍財死去無一來
相親唯有黑業常隨逐乃閻羅常告彼罪人無有少
罪我能加汝自作罪今自來業報自招無代者父母

妻子無能救唯當勤修出離因是故應捨枷鎖業善
知遠離求安樂又大集經偈云妻子珍寶及王位臨
命終時不隨者唯戒及施不放逸今世後世為伴侶
如是展轉作惡受苦徒死輪轉無際如經偈云
一人一劫中所受諸身骨常積不腐敗如毗布羅山
一劫尚爾況無量劫我等未曾修道故徒歷無邊劫
今若不勤修未來亦可然如是無量生死之中得人
身甚難縱得人身具諸根亦難縱具諸根遇佛教亦
難縱遇佛教生信心亦難故大經云生人趣者如爪

上土墮三途者如十方土法華經云無量無數劫聞
是法亦難能聽是法者此人亦復難而今適具此等
緣當知應離苦海往淨土只在今生而我等頭戴
霜雪心染俗塵一生雖盡希望不盡遂辭白日下獨
入黃泉底之時墮多百踰繕那銅燃猛火中雖呼天
扣地更有何益乎願諸行者疾生厭離心速隨出要
路莫入寶山空手而歸問以何等相應生厭心答若
欲廣觀如前所說六道因果不淨苦等或復龍樹菩
薩勸發禪陀迦王偈云是身不淨九孔流無有窮已
若河海薄皮覆蔽似清淨猶假瓔珞自莊嚴諸有智
人乃分別知其虛誑便棄捨譬如疥者近猛焰初雖
暫悅後增苦貪欲之想亦復然始雖樂著終多患見
身實相皆不淨卽是觀於空無我若能修習斯觀者
於利益中最無上雖有色族及多聞若無戒智猶禽
獸雖處醜賤少聞見能修戒智名勝士利衰八法莫
能免若有除斷真無匹諸有沙門婆羅門父母妻子
及眷屬莫爲彼意受其言廣造不善非法行設爲此
等起諸過未來大苦唯身受夫造衆惡不卽報非如

刀劍交傷割臨終罪相始俱現後入地獄嬰諸苦信
戒施聞慧慙愧不放逸如是七法名聖財眞寶無比
牟尼說超越世間衆珍寶知足雖貧可名富有財多
欲是名貧若豐財業增諸苦如龍多首益酸毒當觀
美味如毒藥以智慧水灑令淨爲存此身雖應食勿
貪色味長憍慢於諸欲深當生厭勤求無上涅槃道
調和此身令安穩然後宜應修齋戒一夜分別有五
時於二時中當眠息初中後夜觀生死宜勤求度勿
空過譬言如少塩置恒河不能令水有鹹味微細之惡

遇衆善消滅散壞亦如是雖受梵天離欲娛還墮無
間熾燃苦雖居天宮具光明後入地獄黑闇中所謂
黑繩等活地獄燒割刺刺及無間是八地獄常熾燃
皆是衆生惡業報若見圖書聞他言或隨經書自憶
念如是知時以難忍況復已身自逕歷若復有入一
日中以三百矛鑽其體比阿鼻地獄一念苦百千方
分不及其一於畜生中苦無量或有繫縛及鞭撻或
爲明珠羽角牙骨毛皮肉被殘害餓鬼道中苦亦然
諸所須欲不隨意飢渴所逼困寒熱疲乏等苦甚無

量屎尿糞穢諸不淨百千万劫莫能得設復推求得
少分更相勛奪尋散失清涼秋月患焰熱溫和春日
轉寒苦若趨園林眾菓盡設至清淨流變枯竭罪業
緣故壽長遠逕有一万五千歲受衆楚毒無空缺皆
是餓鬼之果報煩惱駛河漂衆生爲深怖畏熾燃苦
欲滅如是諸塵勞應修真實解脫諦離諸世間假名
法則得清淨不動處已上有百十行偈今略抄若存略者如馬鳴
菩薩頌吒和羅伎聲唱云有爲諸法如幻如化三界
獄縛無一可樂王位高顯勢力自在無常旣至誰得
存者如空中雲須臾散滅是身虛僞猶如芭蕉爲怨
爲賊不可親近如毒蛇篋誰當愛樂是故諸佛常呵
此身已此中具演無常苦空無我聞者悟道或復墜
牢比丘壁上海云生死不斷絕貪欲嗜味故養怨入
丘塚虛受諸辛苦身是如死屍九孔流不淨如廁虫
樂糞患貪身無異憶想妄分別則是五欲本智者不
分別五欲則斷滅邪念生貪著者貪著生煩惱正念無
貪欲餘煩惱亦盡已過去彌樓健馱佛滅後正法滅
時陀摩戶利菩薩求得此偈弘宣佛法利益無量衆

生或復仁王經有四非常偈可見若樂極略者如金剛經云一切有爲法如夢幻泡影如露亦如電應作如是觀或復大經偈云諸行無常是生滅法生滅滅已寂滅爲樂上祇園寺無常堂四角有頗梨鐘鐘音中亦說此偈病僧聞音苦惱卽除得清涼樂如入三禪乘生淨土況復雪山大士捨全身而得此偈行者善思念不得忽爾之如說觀察應當離貪瞋癡等或業如師子追人不應作外道無益苦行如癡狗追塊問不淨苦無常其義易了現見有法體何說爲空答

豈不經說如夢幻化故例夢境當觀空義如西域記云波羅痾斯國施鹿林東行二三里有涸池昔有一隱士於此池側結蘆屏迹博習伎術究極神理能使瓦礫爲寶人畜易形但未能馭風雲陪仙駕閱圖考昔更求仙術其方曰命二烈士執長刀立壇隅屏息絕言自昏逮且求仙者中壇而坐手接長刀口誦神咒收視反聽遲明登仙遂依仙方求一烈士數加重貽潛行陰德隱士曰願一夕不聲耳烈士曰死尚不辭豈徒屏息於是設壇場受仙法依方行事坐待日

曠曠暮之後各司其務隱士誦神咒烈士按鉛刀殆
將曉矣忽發聲叫時隱士問曰誠子無聲何以驚叫
烈士曰受命後至夜分惛然若夢變異更起見昔事
主躬來慰謝感荷厚恩忍不報語彼人震怒遂見害
殺受中陰身願屍嘆惜猶願歷世不言以報厚德遂
見託生南印度大波蓋維門家乃至受胎出胎備經苦
危荷恩荷德嘗不出聲洎乎受業冠婚喪親生子每
念前恩忍而不語宗親戚屬咸見怪異年過六十有
五我妻謂曰汝可言矣若不語者當殺汝子我時惟

念已隔生世自顧衰老唯此稚子因止其妻令無殺
害遂發其聲耳隱士曰我之過也此魔燒耳烈士感
恩悲事不成憤恚而死已上夢境如是諸法亦然妄
想夢未覺於空謂為有故唯識論云未得真覺常處
夢中故佛說為生死長夜間若作無常苦空等觀豈
異小乘自謂自度答此觀不局小亦通在大乘如法
華云大慈悲為室柔和忍辱衣諸法空為座處此為
說法已諸法空觀尚不妨大慈悲心何況苦無常等
催菩薩悲願乎是故大般若等經以不淨等觀亦為

菩薩法若欲知者更讀經文問如是觀念有何利益
答若常如是調伏心者五欲微薄乃至臨終正念不
亂不墮惡處如大莊嚴論勸進繫念偈云盛年無憊
時懈怠不精進貪營眾事務不修施戒禪臨為死所
吞方悔求修善智者應觀察斷除五欲想精勤習心
者終時無悔恨心意既專至無有錯亂念智者勤投
心臨終意不散不習心專至臨終必散亂上已又寶積
經五十七偈曰應觀於此身筋脈更纏繞溫皮相暴
覆九處有滄門周通常流溢屎尿諸不淨譬如舍與
盆而盛諸穀麥等此身亦如是雜穢滿其中運動骨機
關危脆非堅實愚夫常愛樂智者無染著澳唾汗常
流膿血恒充滿黃脂雜乳汁腦滿髓中胸膈痰癰
流內有生熟藏肪膏與皮膜五藏諸腸胃如是是爛
等諸不淨同居罪身深可畏此卽是怨家無識耽欲
人愚癡常保護如是是穢身猶如朽城廓日夜煩惱
逼遷流無暫停身城骨牆壁血肉作塗溼畫彩貪瞋
癡隨處而莊飾可思骨身城血肉相連合常被惡知
識內外苦相煎難陀汝當知如我之所說晝夜常繫

念勿思於欲境若欲遠離者常作如是觀勤求解脫
處速超生死海上諸餘利益可見大論止觀等
大文第二欣求淨土者極樂依正功德無量百劫千
劫說不能盡筭分喻分亦非所知然群疑論明三十
種益安國鈔標二十四樂既知稱揚只在人心今舉
十樂而讚淨土猶如一毛之滂大海一聖衆來迎樂
二蓮華初開樂三身相通樂四五妙境界樂五快
樂無退樂六引接結緣樂七聖衆俱會樂八見佛聞
法樂九隨心供佛樂十增進佛道樂也

第一聖衆來迎樂者凡惡業人命盡時風火先去故
動熱多苦善行人命盡時地水先去故緩緩無苦何
況念佛功積運心年深之者臨命終時大喜自生所
以然者彌陀如來以本願故與諸菩薩百千比丘衆
放大光明皓然在目前時大悲觀世音申百福莊嚴
手擎寶蓮臺至行者前大勢至菩薩與無量聖衆同
時讚嘆授手引接是時行者目自見之心中歡喜身
心安樂如入禪定當知草菴瞑目之間便是蓮臺結
跏之程即從彌陀佛後在菩薩衆中一念之頃得生

西方極樂世界依觀經平等覺經并傳記等意彼忉利天上億千歲

樂大梵王宮深禪定樂此等諸樂未足為樂輪轉無

際不免三途而今處觀音掌託賢蓮胎永越過苦海

初往生淨土爾時歡喜心不可以言宣龍樹偈云若

人命終時得生彼國者即具無量德是故我歸命

第二蓮華初開樂者行者生彼國已蓮華初開時所

有歡樂倍前百千猶如盲者始得明眼亦如邊鄙忽

入王宮自見其身身既作紫磨金色體亦有自然寶

衣鏤釧寶冠莊嚴無量見佛光明得清淨眼因前宿

習聞衆法音觸色觸聲無不奇妙盡虛空界之莊嚴

眼迷雲路轉妙法輪之音聲聽滿寶刹樓殿林池表

裏照耀鳧雁鴛鴦遠近群飛或見衆生如駛雨從十

方世界生或見聖衆如恒沙從無數佛土來或有登

樓臺望十方者或有乘宮殿住虛空者或有住空中

誦經說法者或有住空中坐禪入定者地上林間亦

復如是處處復有沙河瀧流奏樂散華往來樓殿禮

讚如來之者如是無量天人聖衆隨心遊戲况化佛

菩薩香華雲充滿國界不可具名又漸迴眸遙以瞻

望彌陀如來如金山王坐寶蓮華上處寶池中央觀
音勢至威儀尊重亦坐寶華侍佛左右無量聖眾恭
敬圍繞又寶池上寶樹行列寶樹下各有一佛二菩
薩光明嚴飾遍琉璃地如夜闇中燃大炬火時觀音
勢至來至行者前出大悲音種種慰喻行者從蓮臺
下五體投地頭面敬禮卽從菩薩漸至佛所跪七寶
階瞻方德之尊容聞一實道入普賢之願海歡喜兩
淚渴仰徹骨始入佛界得未曾有行者昔於娑婆緣
讀教文今正見此事歡喜心幾乎多依觀
經等意龍樹偈曰

若人種善根疑則華不開信心清淨者華開則見佛
第三身相通樂者彼土眾生其身真金色內外俱
清淨常有光明彼此互照三十二相具足莊嚴端正
殊妙世間無比諸聲聞衆身光一尋菩薩光明照百
由旬或云十万由旬以第六天主比彼土眾生猶如
乞丐在帝王邊又彼諸衆生皆具五通妙用難測隨
心自在若欲見十方界色不運步卽見欲聞十方界
聲不起座卽聞無量宿命之事如今日所聞六道衆
生之心如明鏡所見像無央數之佛刹如咫尺往來

凡橫於百千萬億那由他國豎於百千萬億那由他
 劫一念之中自在無碍今此界衆生於三十二相誰
 得一相於五神通誰得一通非燈日無以照非行步
 無以至雖一紙不見其外雖一念不知其後焚籠未
 出隨事有碍而彼土衆生無有一人不具此德不於
 百大劫中而種相好業不於四靜慮中而修神通因
 只是彼土任運生得之果報不亦樂乎多依雙卷經
平等覺經等
 龍樹偈云人天身相同猶如金山頂諸勝所歸處是
 故頭面禮其有生彼國具天眼耳通十方普無碍誓
 首聖中尊其國諸衆生神變及心通亦具宿命智是
 故歸命禮

往生要集卷一上本終

往生要集卷一上本終

三六

往生要集卷上末

盡第四門半

天台首楞嚴院沙門源信撰

第四五妙境界樂者四十八願莊嚴淨土一切万物
窮羨極妙所見悉是淨妙色所聞無不解脫聲香味
觸境亦復如是謂彼世界以瑠璃爲地金繩界其道
坦然平正無有高下恢廓曠蕩無有邊際晃耀微妙
竒麗清淨以諸妙衣遍布其地一切人天踐之而行
地相衆寶國土一一界上有五百億七寶所成宮殿
樓閣高下隨心廣狹應念諸寶床座妙衣敷上七重

欄楯百億華幢垂珠瓔珞懸寶幡蓋殿裏樓上有諸
 天人常作妓樂歌詠如來已上講堂精舍宮殿樓閣
 內外左右有諸浴池黃金池底白銀沙白銀池底黃
 金沙水精池底琉璃沙琉璃池底水精沙珊瑚琥珀
 碑礪瑪瑙白玉紫金亦復如是八功德水一澄淨二清冷三甘
 美四輕爽五潤澤六安和七飲
 寶沙映徹無深不照八飲已定能殊勝善根四邊階道眾寶
 時除飢渴等無量過患長養諸根四大增益種種殊勝善根
 合成種種寶華彌覆池中青蓮有青光黃蓮有黃光
 赤蓮白蓮各有其光微風吹來華光亂轉一一華中

各有菩薩一一光中有諸化佛微瀾迴流轉相灌注
 安詳徐逝不遲不疾其聲微妙無不佛法或演說苦
 空無我諸波羅密或流出十力無畏不共法音或大
 慈悲聲或無生忍聲隨其所聞歡喜無量隨順清淨
 寂滅真實之義隨順菩薩聲聞所行之道又鳧雁鴛
 鴦鵝鷺鵝鶴孔雀鸚鵡伽陵頻迦等百寶色鳥晝夜
 六時出和雅音讚嘆念佛念法念比丘僧演暢五根
 五力七菩提分無有三途苦難之名但有自然快樂
 之音彼諸菩薩及聲聞眾入於寶池洗浴之時淺深

隨念不違其心蕩除心垢清明澄潔洗浴已訖各各
自去或在空中或在樹下有講經誦經者有受經聽
經者有坐禪者有經行者其中未得須陀洹者則得
須陀洹乃至未得阿羅漢者得阿羅漢未得阿惟越
致者得阿惟越致皆悉得道莫不歡喜復有清河底
布金沙淺深寒温曲從人好衆人遊覽同萃河濱已
水相池畔河岸有旃檀樹行行相當葉葉相次此系金之
葉白銀之枝珊瑚之萃車渠之寶一寶七寶或純或
雜枝葉萃菓莊嚴映飭和風時來吹諸寶樹羅網微

動妙華徐落隨風散馥雜水流芬沁出微妙音官商
相和譬如百千種樂同時俱作聞者自然念佛法僧
彼第六天万種音樂不如此樹一種音聲葉間生華
華上有菓皆放光明化爲寶蓋一切佛事映現蓋中
乃至欲見十方嚴淨佛土於寶樹間皆悉照見樹上
有七重寶網寶網間有五百億妙華官殿官殿中有
諸天童子瓔珞光耀自在遊樂如是七寶諸樹周遍
世界名華軟草亦隨處有柔軟香潔觸者生樂已上
樹林
衆寶羅網彌滿虚空懸諸寶鈴宣妙法音天華妙色

續紛亂墜寶衣嚴具旋轉來下如鳥飛空下供散於諸佛又有無量樂器懸處虛空不鼓自鳴皆說妙法已上復如意妙香塗香抹香無量香芬馥遍滿於世虛空界若有聞者塵勞垢習自然不起凡自地至空官殿華樹一切万物皆以無量雜寶百千種香而共合成其香普薰十方世界菩薩聞者皆修佛行復彼國菩薩羅漢諸衆生等若欲食時七寶之杌自然現前七寶之鉢妙味滿中不類世間之味亦非天上之味香美無比甜酢隨意見色聞香身心清潔即同食已飽

力增長事已化去時至復現又彼土衆生欲得衣服隨念卽至如佛所讚應法妙服自然在身不求裁縫染治浣濯又光明周遍不用日月燈燭冷暖調和無有春夏秋冬自然德風温冷調適觸衆生身皆得快樂譬如比丘得滅盡三昧每日晨朝吹散妙華遍滿佛土馨香芬烈微妙柔軟如兜羅綿足履其上踏下四寸隨舉足已還復如故過晨朝已其華沒地舊華既沒更雨新華中時晡時初中後夜亦復如是此等所有微妙五境雖令見聞覺者身心適悅而不增長

有情貪著更增無量殊勝功德凡八方上下無央數
 諸佛國中極樂世界所有功德最為第一以二百一
 十億諸佛淨土嚴淨妙事皆攝在此中若觀如是國
 土相者除無量億劫極重惡業命終之後必生彼國
 依二種觀經阿彌陀經稱讚淨土經世親偈云觀彼
 寶積經平等覺經思惟經等意記之
 世界相勝過三界道究竟如虛空廣大無邊際寶華
 千萬種旃覆池流泉微風動華葉交錯光亂轉宮殿
 諸樓閣觀十方無礙雜樹異光色寶欄遍圍繞無量
 寶紋絡羅網遍虛空種種鈴發響宣吐妙法音衆生

所願樂一切皆滿足故我願生彼阿彌陀佛國

第五快樂無退樂者今此娑婆世界無可耽玩輪王
 之位七寶不久天上之樂五衰早來乃至有頂輪迴
 無期况餘世人乎事與願違樂與苦俱富者未必壽
 壽者未必富或昨富今貧或朝生暮死故經言出息
 不待入息入息不待出息非唯眼前樂去哀來亦臨
 命終隨罪墮苦彼西方世界受樂無窮人天交接兩
 得相見慈悲薰心互如一子共經行於瑠璃地上同
 遊戲於梅檀林間從宮殿至宮殿從林池至林池若

欲寂時風浪絃管自隔耳下若欲見時山川溪谷尚
現眼前香味觸法隨念亦然或渡飛梯作伎樂或騰
虛空現神通或從他方大士而迎送或伴天人聖衆
以遊覽或至寶池邊慰問新生人汝知不是處名極
樂世界是界主号彌陀佛今當歸依或同在寶池中
各坐蓮臺上互說宿命事我本在其國發心求道之
時持其經典護其戒行作其善法修其布施各語所
好喜之功德具陳所來生之本末或共語十方諸佛
利生之方便或共議三有衆生拔苦之因緣議已追

緣而相去語已隨樂而共往或復登七寶山

七寶山
七寶塔

七寶坊出
十往生經浴八功池寂然冥默讀誦解說如是遊樂

相續無間處是不退永免三途八難之畏壽亦無量
終無生老病死之苦心事相應無愛別離苦慈眼等
視無怨憎會苦白業之報無求不得苦金剛之身無
五盛陰苦一託七寶莊嚴之臺長別三界苦輪之海
若有別願雖生他方是自在生滅非業報生滅尚無
不苦不樂之名何況諸苦耶龍樹偈云若人生彼國
終不墮惡趣及與阿修羅我今歸命禮

第六引接結緣樂者人之在世所求不如意樹欲靜而風不停子欲養而親不待志雖春肝膽力不堪水菽君臣師弟妻子朋友一切恩所一切知識皆亦是空勞癡愛之心弥增輪迴之業况復業果推遷生處相隔六趣四生不知何處野獸山禽誰辨舊親如心地觀經偈云世人爲子造諸罪墮在三途長受苦男女非聖無神通不見輪迴難可報有情輪迴生六道猶如車輪無始終或爲父母爲男女世世生互有恩若生極樂智慧高明神通洞達世世生恩所知識隨心引接以天眼見生處以天耳聞言音以宿命智憶其恩以他心智了其心以神境通隨逐變現以方便力教誡示導如平等經云彼土衆生皆自知其前世所從來生及知八方上下去來現在之事知彼諸天人民蠟飛蠕動之類心意所念口所欲言何歲何劫當生此國作菩薩道得阿羅漢皆豫知之又華嚴經普賢願云願我臨欲命終時盡除一切諸障礙面見彼佛阿彌陀卽得往生安樂刹我既往生彼國已現前成就此大願一切圓滿盡無餘利樂一切

衆生界無緣尚爾况結緣乎龍樹偈云無垢莊嚴光

一念及一時普照諸佛會利益諸群生

第七聖衆俱會樂者如經云衆生聞者應當發願願

生彼國所以者何得與如是諸上善人俱會中一處上已

彼諸菩薩聖衆德行不可思議普賢菩薩言若有衆

生未種善根及種少善聲聞菩薩猶尚不得聞我名

字况見我身若有衆生得聞我名於阿耨菩提不復

退轉乃至夢中見聞我者亦復如是華嚴經意又云我常

隨順諸衆生盡於未來一切劫恒修普賢廣大行圓

滿無上大菩提普賢身相如虚空依真而住非國土

隨諸衆生心所欲示現普身等一切一切剎中諸佛

所種種三昧現神通一一神通悉周遍十方國土無

遺者如一切剎如來所彼剎塵中悉亦然同經偈文殊

師利大聖尊三世諸佛以為母十方如來初發心皆

是文殊教化力一切世界諸有情聞名見身及光相

并見隨類諸化現皆成佛道難思議心地觀經意若但聞

名者除十二億劫生死之罪若禮拜供養者恒生佛

家若稱名字一日七日文殊必來若有宿障夢中得

見所求圓滿若見形像者百千劫中不墮惡道若行

慈心者即得見文殊若有受持讀誦名者設有重障

不墮阿鼻極惡猛火常生他方清淨佛土文殊般涅
槃經意彼

形像如
經橫說又百千億那由他佛利益眾生不及文殊師

利於一劫中所作利益故若稱文殊師利菩薩名者

福多於受持彼百千億諸佛名号寶積
經意彌勒菩薩功

德無量若但聞名者不墮黑闇處一念稱名者除却

千二百劫生死之罪有歸依者於無上道得不退轉

上生
經意稱讚禮拜者除百千萬億阿僧祇劫生死罪虛

藏經佛
名經意無量千萬劫所修願智行廣大不可量稱揚

莫能盡華嚴經偈已上三菩薩常在
極樂世界出四十華嚴經地藏菩薩每日

晨朝入恒沙定周遍法界拔苦眾生所有悲願超餘

大士十輪
經意彼經偈云一日稱地藏功德大名聞勝俱

眠劫中稱餘智者德假使百劫中讚說其功德猶尚

不能盡故皆當供養觀世音菩薩言眾生有苦三稱

我名不往救者不取正覺弘猛海
慧經若有稱念百千俱

眠那庾多諸佛名号復有暫時於我名号至心稱念

彼二功德平等平等諸有稱念我名号者一切皆得

不退轉地十一經衆生若聞名離苦得解脫亦遊戲地

獄大悲代受苦請觀音經偈弘誓深如海歷劫不思議待

多千億佛發大清淨願具足神通力廣修智方便十

方諸國土無刹不現身念念勿生疑觀世音淨聖於

苦惱死厄能為作依怙具一切功德慈眼視衆生福

聚海無量是故應頂禮法華經大勢至菩薩曰我能堪

任度諸惡趣未度衆生寶積經以智慧光普照一切令

離三途得無上力故此菩薩名大勢至觀此菩薩者

除無數劫阿僧祇生死之罪不處胞胎常遊諸佛淨

妙國土觀經無量無邊無數劫廣修願力助於陀常

處大衆宣法言衆生聞者得淨眼神神通周遍十方國

普現一切衆生前衆生若能至心念皆悉導令至安

樂龍樹讚又云觀音勢至大名稱功德智慧俱無量具

足慈悲救世間徧遊一切衆生海如是勝人甚難遇

一心恭敬頭面禮上已如是一生補處大菩薩其數如

恒沙色相端嚴功德具足常在極樂國圍繞於陀佛

又諸聲聞衆其數難量神智洞達威力自在能於掌

中持一切世界設如大目連百千萬億無量無數於

阿僧祇劫悉共計按彼初會聲聞所知數者猶如一
滯其所不知如大海水其中般泥洹去者無央數新
得阿羅漢者亦無央數而都不為增減譬如大海雖
減恒水雖加恒水而無增亦無減諸菩薩眾復倍上
減恒水雖加恒水而無增亦無減諸菩薩眾復倍上
數如大論云弥陀佛國菩薩僧多聲聞僧少已如是
聖眾充滿其國互遙相瞻望遙聞語聲同一求道無
有異類何況復十方恒河沙佛土無量塵數菩薩聖
眾各現神通至安樂國瞻仰尊顏恭敬供養或賣天
妙華或燒妙寶香或獻無價衣或奏天伎樂發和雅

音歌歎世尊聽受經法宣布道化如是往來晝夜不
絕東方去西方來西方去北方來北方去南方來四
維上下互亦如是更相開避猶如盛市此等大士一
聞其名尚非少緣况百千万劫誰得相見者然彼國
土眾生常會一處互交言語問訊恭敬親近承習不
亦樂乎已上雙卷經觀
經平等經等意龍樹偈曰彼土諸菩薩具足
諸相好皆自在嚴身我今歸命禮超出三界獄目如
蓮華葉聲聞眾無量是故稽首禮又云十方所來諸
佛子顯現神通至安樂瞻仰尊顏常恭敬故我頂禮

彌陀佛

第八見佛聞法樂者今此娑婆世界見佛聞法甚難
師子吼菩薩言我等無數百千劫修四無量三解脫
今見太聖牟尼尊猶如盲龜值浮木又儒童捨全身
而始得半偈常啼割肝府而遠求般若菩薩尚尔何
况凡夫佛在舍衛二十五年彼九億家三億見佛三
億總聞其餘三億不見不聞在世尚尔何况滅後故
法華云是諸罪衆生以惡業因緣過阿僧祇劫不聞
三寶名而彼國衆生常見彌陀佛恒聞深妙法謂嚴

淨地上有菩提樹枝葉四布衆寶合成樹上覆寶羅
網條間垂珠瓔珞風動枝葉聲演妙法其聲流布徧
諸佛國其有聞者得深法忍住不退轉耳根清徹觀
樹色聞樹香嘗樹味觸樹光緣樹相一切亦然至成佛道
六根清徹樹下有座莊嚴無量座上有佛相好無邊
鳥瑟高顯晴天翠濃白毫右旋秋月光滿青蓮之眼
丹菓之脣迦陵頻之聲師子相之胸仙鹿王之膊千
輻輪之趺如是八万四千相好纏絡紫磨金身無量
塵數光明如集億千日月有時在於七寶講堂演暢

妙法梵音深妙悅可衆心菩薩聲聞天人大衆一心
合掌瞻仰尊顏卽時自然微風吹七寶樹無量妙華
隨風四散一切諸天奏諸音樂當斯之時熙怡快樂
不可勝言或復現廣大身或現丈六八尺身或在寶
樹下或在寶池上隨衆生本宿命求道時心所意願
大小隨意爲說經法令其疾開解得道如是隨種種
機說種種法又觀音勢至兩菩薩常在佛左右邊坐
侍政論佛常與是兩菩薩共對坐議八方上下去來
現在之事或時東方恒沙佛國無量無數諸菩薩衆

皆悉往詣無量壽佛所恭敬供養及諸菩薩聲聞之
衆南西北方四維上下亦復如是見彼嚴淨土微妙
難思議因發無量心願我國亦然應時世尊動容微
咲口出無數光遍照十方國面光圍身三帀入頂一
切天人衆踴躍皆歡喜大士觀世音整服誓首問佛
何緣咲唯然願說時梵聲猶雷八音暢妙響當授菩
薩記告言仁諦聽十方來正士吾悉知彼願志求嚴
淨土受決當作佛覺了一切法猶如夢幻響滿足諸
妙願必成如是刹知法如電影究竟菩薩道具諸功

德本受決當作佛通達諸法性一切空無我專求淨

佛土必成如是剎上已況復水鳥樹林皆演妙法凡所

欲聞自然得聞如是法樂亦在何處乎此中多依雙

經等龍樹讚曰金底寶間池生華善根所成妙臺座

於彼座上如山王故我頂禮彌陀佛諸有無常無我

等亦如水月電影露為衆說法無名字故我頂禮彌

陀佛願共諸衆生往生安樂國

第九隨心供佛樂者彼土衆生晝夜六時常持種種

天華供養無量壽佛又有意欲供養他方諸佛即前

長跪叉手白佛則可之皆大歡喜千億万人各自翻

飛等輩相迫俱共散飛到八方上下無央數諸佛所

皆前作禮供養恭敬如是每日晨朝各以衣祴盛衆

妙花供養他方十萬億佛及諸衣服伎樂一切供具

隨意出生供養恭敬即以食時還到本國飯食經行

受諸法樂或言每日三時供養諸佛行者今從遺教

得聞十方佛土種種功德隨見隨聞遙生戀慕各謂

言我等何時得見十方淨土得值諸佛菩薩每對教

文無不嗟歎而若適得生極樂國或由自力或承佛

力朝往暮來須臾太須臾還遍至十方一切佛剎面

奉諸佛值遇諸大士恒聞正法受大菩提記乃至普

入一切塵刹作諸佛事修普賢行不亦樂乎阿彌陀經平等

覺經雙龍樹偈云彼土大菩薩日日於三時供養十

萬佛是故稽首禮

第十增進佛道樂者今此娑婆世界修道得果甚難

何者受苦者常憂受樂者常著苦云樂云遠離解脫

若昇若沈無非輪回適雖有發心修行者亦難成就

煩惱內催惡緣外牽或發二乘心或還三惡道譬猶

水中之月隨波易動陣前之軍臨刃則還魚子難長

菴菓少熟如彼身子等六十劫退者是也唯釋迦如

來於無量劫難行苦行積功累德求菩薩道未曾止

息觀三千大千世界乃至無有如芥子計非是菩薩

捨身命處為眾生故然後及得成菩提道其餘眾生

非已智分象子力微身歿刀箭故龍樹菩薩云譬如

四十里水如有一人以一升熱湯投之當時似水滅

經夜至明乃高於餘者凡夫在此發心救苦亦復如

是以貪瞋境順違多故自起煩惱返墮惡道比彼極

樂國土衆生有多因緣故畢竟不退增進佛道一佛
悲願力常攝持故二佛光常照增菩提心故三水鳥
樹林風鈴等聲常令生念佛念法念僧之心故四純
諸菩薩以爲善友外無惡緣內伏重惑故五壽命永
劫共佛齊等修習佛道無有生死之間隔故華嚴偈
云若有衆生一見佛必使淨除諸業障一見尚爾何
況常見由此因緣彼土衆生於所有万物無我我所
心去來進止心無所係於諸衆生得大悲心自然增
進悟無生忍究竟必至一生補處乃至速證無上菩

提爲衆生故示現八相隨緣在於嚴淨國土轉妙法
輪度諸衆生令諸衆生欣求其國如我今日志願極
樂亦往十方引接衆生如彌陀佛大悲本願如是利
益不亦樂乎一世勤修是須臾間何不棄衆事求淨
土哉願諸行者努力匪懈多依雙卷經并
天台十疑等意龍樹偈云
彼尊無量方便境無有諸趣思知識往生不退至菩
提故我頂禮彌陀佛我說彼尊功德事衆善無邊如
海水所獲善根清淨者願共衆生生彼國願共諸衆
生往生安樂國

大文第三明極樂證據者有二對十方二對兜率
 初對十方者問十方有淨土何唯願生極樂耶答天
 台大師云諸經論處處唯勸衆生偏念阿彌陀佛令
 求西方極樂世界無量壽經觀經往生論等數十餘
 部經論文殷懃指授勸生西方是以偏念也已大師
 披閱一切經論凡十五遍應知所述不可不信迦才
 師三卷淨土論引十二經七論一無量壽經二觀經
 三小阿彌陀經四鼓音聲經五稱揚諸佛功德經六
 發覺淨心經七大集經八十往生經九藥師經十般

舟三昧經十一大阿彌陀經十二無量清淨平等覺

經已上雙卷無量壽經清淨覺經大阿彌陀經同本異譯也一往生論二起信論

三十住毘婆沙論四一切經中彌陀偈五寶性論六

龍樹十二禮偈七攝大乘論彌陀偈已上智憬師同之私加

云法華經藥王品四十華嚴經普賢願目蓮所問經

三千佛名經無字寶篋經千手陀羅尼經十一面經

不空絹索如意輪隨求尊勝無垢淨光光明阿彌陀

等諸顯密教中專勸極樂不可稱計故偏願求問佛

言諸佛淨土實無差別何故如來偏讚西方答隨願

往生經佛決此疑言娑婆世界人多貪濁信向者少
習邪者多不信正法不能專一心亂無志實無差別
令諸衆生專心有在是故讚歎彼國土耳其諸往生人
悉隨彼願無不獲果又心地觀經云諸佛子等應當
至心求見一佛及一菩薩如是名爲出世法要云云
是故專求一佛國也問爲專其心何故於中唯勸極
樂答設勸餘淨土亦不避此難佛意難測唯可仰信
譬若癡人墮於火坑不能自出知識救之以一方便
癡人得力應務速出何暇縱橫論餘術計行者亦爾

勿生他念如目連所問經云譬如万川長流有浮草
木前不顧後後不顧前都會大海世間亦爾雖有豪
貴富樂自在悉不得免生老病死只由不信佛經後
世爲人更甚困劇不能得生千佛國土是故我說無
量壽佛國易往易取而人不能修行往生反事九十
五種邪道我說是人名無眼人名無耳人阿彌陀經
云我見是利故說是言若有信者應當發願生彼國
土已佛誠懇懃唯應仰信況復非無機緣何強拒之
如天台十疑云阿彌陀佛別有大悲四十八願接引

衆生又彼佛光明遍照法界念佛衆生攝取不捨十方各恒河沙諸佛舒舌覆三千界諡誡一切衆生念阿彌陀佛乘佛大悲本願力決定得生極樂世界又無量壽經云末後法滅之時特留此經百年在世接引衆生生彼國土故知阿彌陀與此世界極惡衆生偏有因緣已慈恩云末法万年餘經悉滅彌陀一教利物偏增大聖特留百歲時經末法滿二万年一切諸經並從滅沒釋迦恩重留教百年已又懷感禪師云般舟三昧經說跋陀和菩薩請釋迦牟尼佛言未

來衆生云何得見十方諸佛佛教令念阿彌陀卽見十方一切佛以此佛特與娑婆衆生有緣先於此佛專心稱念三昧易成已又觀音勢至本於是土修菩薩行轉生彼國宿緣所追豈無機應耶

第二對兜率者問玄奘三藏云西方道俗並作彌勒業爲同欲界其行易成大小乘師皆許此法彌陀淨土恐凡鄙穢修行難成如舊經論七地已上菩薩隨分見報佛淨土依新論意三地菩薩始可得見報佛淨土豈容下品凡夫卽得往生已天竺旣爾今何勸

極樂耶答中國邊州其處雖異顯密教門其理是同
 如今所引證據既多寧可肯佛教之明文從天竺之
 風聞耶何況祇洹精舍無常院令病者面西作往佛
 淨刹想具如下臨終行儀明知佛意偏勸極樂西域
 風俗豈乖之耶又懷感禪師群疑論於極樂兜率立
 十二勝劣一化主佛菩薩別故二淨穢土別三女人
 有無四壽命長短五內外有無兜率內院不退外院
 無六五衰有無七相好有無八五通有無九不善心
 退起不起十減罪多少謂稱彌勒名除千二百劫罪稱

彌陀名滅八十億劫罪十一苦受有無十二受生異
 謂天在男女膝下懷中西方在華裏殿中雖二處勝
 劣其義如斯然並佛勸讚莫相是非已上凡立二慈
 恩立十異前八不出感師所立故不更抄其第九云
 西方佛來迎兜率不爾感師云來迎同也第十云西
 方經論慇懃極多兜率非多亦非慇懃云云感師
 又於往生難易立十五同義八異義八異義者一本
 願異謂彌陀有引攝願彌勒無願無願若自浮度水
 有願若乘舟而遊水二光明異謂彌陀佛光照念佛

衆生攝取不捨彌勒不爾光照如晝日之遊無光似
暗中來往三守護異謂無數化佛觀音勢至常至行
者所又稱讚淨土經云十方十競伽沙諸佛之所攝
受又十往生經云佛遣二十五菩薩常守護行人兜
率不爾有護若多人共遊不畏強賊所逼無護似孤
遊嶮徑必爲暴客所侵四舒舌異謂十方佛舒舌證
誠地率不爾五衆聖異謂萃聚菩薩山海慧菩薩發
弘誓願若有一衆生生西方不盡我若先去不取正
覺六滅罪多少如前七重惡異謂造五逆罪亦得生西

方地率不爾八教說異謂無量壽經云橫截五惡趣
惡趣自然開昇道無窮極易往而無人地率不爾十
五同義猶不可說於難生況異有八門而乃說言難
往請諸學者尋理及教鑒其難易二門可永除其惑
矣已上畧抄但十五同義可見彼論問玄奘所傳不可不會答西域
行法暗以難決今試會云西域行者多有小乘十五國學
大乘十五國大小兼上生地率大小共許往他方佛
學四十一國學小乘上生地率大小共許往他方佛
土大許小不許彼共許故並云地率流沙以東盛興
大乘不可同彼西域雜行何況諸教興隆不必一時

就中念佛之教多利末代經道滅後濁惡衆生許也
彼時天竺未興盛歟若不爾者上足基師豈容別著
西方要決立十勝劣勸自他耶問心地觀經云我今
弟子付彌勒龍華會中得解脫豈非如來勸進兜率
答此亦無違誰遮上生心地等兩三經然不知極樂
之文顯密且千又大悲經第三云於當來世法欲滅
時當有比丘比丘尼於我法中得出家已手牽兒臂
而共遊行從酒家至酒家於我法中作非梵行乃至但
使性是沙門汗沙門行自稱沙門形似沙門當有被

著袈裟衣者於此賢劫彌勒爲首乃至最後盧遮佛
所入般涅槃無有遺餘何以故如是一切諸沙門中
乃至一稱佛名一生信者所作功德終不虛設上心
地觀經意亦如是故彼經云龍華不云兜率今案之
從釋尊入滅至慈尊出世隔五十七俱胝六十百千
歲新婆沙論其間輪回劇苦幾處乎何不願終焉之暮卽
託蓮胎而期留悠悠生死至龍華會耶何況若適生
極樂者晝夜隨念往來兜率宮乃至龍華會中新爲
對楊首猶如富貴而歸故鄉誰人不欣樂此事耶若

有別緣者餘方亦佳凡可隨意樂勿生異執故感法師云志求地率者勿毀西方行人願生西方者莫毀地率之業各隨性欲任情修學莫相是非何但不生勝處亦乃輪轉三途云

大文第四正修念佛者此亦有五如世親菩薩往生論云修五念門行成就畢竟得生安樂國土見彼阿彌陀佛一禮拜門二讚歎門三作願門四觀察門五回向門云此中作願回向二門於諸行業應通用之

應依已下
至一切衆
等行卷
抄出

初禮拜門者是即三業相應之身業也一心歸命五體投地遙禮西方阿彌陀佛不論多少但用誠心或應念觀佛三昧經文我今禮一佛即禮一切佛若思惟一佛即見一切佛一佛前有一行者接足為禮皆是已身私云一佛一切佛者是弥陀分身或是一切諸佛或應念能禮所禮性空寂自身他身體無二願共衆生體解道發無上意歸真際或應依心地觀經六種功德一無上大功德田二無上大恩德三無足二足及以多足衆生中尊四極難值遇如優曇華五獨出三千大千世

一應念
至及德田
同上抄出

界六世出世間功德圓滿一切義依具如此等六種
 功德常能利益一切衆生已經文極略今須加言以
 爲禮法一應念一稱南無佛皆已成佛道故我歸命
 禮無上功德田二應念慈眼視衆生平等如一子故
 我歸命禮極大慈悲母三應念十方諸大士恭敬彌
 陀尊故我歸命禮無上兩足尊四應念一得聞佛名
 過於優曇華故我歸命禮極難值遇者五應念一百
 俱胝界一尊不並出故我歸命禮希有大法王六應
 念佛法衆德海二世同一體故我歸命禮圓融万德

尊若樂廣行者應依龍樹菩薩十二禮又有善導和
 尚六時禮法不可具出設無餘行但依禮拜亦得往
 生如觀虛空藏菩薩佛名經云阿彌陀佛至心敬禮
 得離三惡道後生其國

第二讚歎門者是三業相應之口業也如十住婆沙
 第三云阿彌陀佛本願如是若人念我稱名自歸即
 入必定得阿耨菩提是故常應憶念以徧稱讚無量
 光明慧身如真金山我今身口意合掌稽首禮十方
 現在佛以種種因緣歎彼佛功德我今歸命禮佛足

千輻輪柔軟蓮華色見者皆歡喜頭面禮佛足眉間
白毫光猶如清淨月增益面光色頭面禮佛足彼佛
所言說破除諸罪根美言多所益我今稽首禮一切
賢聖衆及諸人天衆咸皆共歸命是故我亦禮乘彼
八道船能度難渡海自度亦度彼我禮自在者諸佛
無量劫讚揚其功德猶尚不能盡歸命清淨人我今
亦如是稱讚無量德以是福因緣願佛常念我以此
福因緣所獲上妙德願諸衆生類皆亦悉當得彼論
有三十二偈今略鈔要具在別鈔或復往生論偈真

言教佛讚阿彌陀別讚此等文一遍多遍一行多行
但應至誠不論多少設無餘行唯依讚歎亦應隨願
必得往生如法華偈云或以歡喜心歌頌佛德乃
至一小音皆已成佛道一音既爾何況常讚佛果尚
爾何況往生真言讚佛利益甚深不能顯露

第三作願門者以下三門是三業相應之意業也綽
禪師安樂集云大經云凡欲往生淨土要須發菩提
心爲源云何菩提者乃是無上佛道之名也若欲發
心作佛者此心廣大周遍法界此心長遠盡未來際

此心普備離二乘障若能一發此心傾無始生死有輪淨土論云發菩提心者正是願作佛心願作佛心者卽是度衆生心度衆生心者卽是攝受衆生有佛國土心今旣願生淨土故先須發菩提心也巳當知菩提心是淨土菩提之綱要故聊以三門決擇其義行者勿厭繁一明菩提心行相二明利益三總料簡

初行相者總謂之願作佛心亦名上求菩提下化衆生心別謂之四弘誓願此有二種一緣事四弘願是卽衆生緣慈或復法緣慈也二緣理四弘是無緣慈悲也言緣事四弘者一衆生無邊誓願度應念一切衆生悉有佛性我皆令入無餘涅槃此心卽是饒益有情戒亦是恩德心亦是緣因佛性應身菩提因二煩惱無邊誓願斷此是攝律儀戒亦是斷德心亦是正因佛性法身菩提因三法門無盡誓願知此是攝善法戒亦是智德心亦是了因佛性報身菩提因四無上菩提誓願證此是願求佛果菩提謂由具足前三行願證得三身圓滿菩提還亦廣度一切衆生二

緣理願者一切諸法本來寂靜非有非無非常非斷
不生不滅不垢不淨一色一香無非中道生死即涅
槃煩惱即菩提翻一一塵勞門即是八万四千諸波
羅密無明變為明如融冰成水更非遠物不餘處來
但一念心普皆具足如如意珠非有寶非無寶若謂
無者即妄語若謂有者即邪見不可以心知不可以
言辨衆生於此不思議不縛法中而思想作縛於無
脫法中而求於脫是故普於法界一切衆生起大慈
悲興四弘誓是名順理發心是最上菩提心可見止
觀第一

又思益經云知一切法非法知一切衆生非衆生是
名菩薩發無上菩提心又莊嚴菩提心經云菩提心
者非有非造離於文字菩提即是心心即是衆生若
能如是解是名菩薩修菩提菩提非過去未來現在
如是心衆生亦非過去未來現在能如是解名為菩
薩然於是中實無所得以無所得故得若於一切法
無所得是名得菩提為始行衆生故說有菩提乃然
至
於是中亦無有心亦無造心者亦無有菩提亦無造
菩提者亦無有衆生亦無造衆生者乃至此二四弘
上云

各有二義一云初二願拔眾生苦集二諦苦後二願
與眾生道滅二諦樂二云初一約他後三約自謂拔
眾生二諦苦與眾生二諦樂總在初願中為欲究竟
圓滿此願更約自身發後三願如大般若經云為利
有情求大菩提故名菩薩而不依著故名摩訶薩已
又前二是因是別第四是果是總四弘已後可云自
他法界同利益共生極樂成佛道心中應念我與眾
生共生極樂圓滿究竟前四弘願若有別願者四弘
前唱之若心不淨非正道因若心有限非大菩提若

無至誠其力不强是故要須清淨深廣誠心不為勝
他名利等事而於佛眼所照無盡法界一切眾生一切
煩惱一切法門一切佛德發此四種之願行也問於
何法中求無上道答此有利鈍二差別如大論云如
黃石中有金性白石中有銀性如是一切世間法中
皆有涅槃性諸佛賢聖以智慧方便持戒禪定引導
令得是涅槃法性利根者即知是諸法皆是法性譬
如神通人能變瓦石皆使為金鈍根者方便分別求
之乃得法性譬如大冶鼓石然後得金已又云苦行

頭陀初中後夜勤心觀禪苦而得道聲聞教也觀諸法相無縛無解心得清淨菩薩教也如文殊師利本緣已即引無行經喜根菩薩偈云娑欲即是道患癡亦如是如此三事中無量諸佛道若有人分別娑怒癡及道是人去佛道譬如天與地如是有七十餘偈又同論云一切法不可得是名佛道即是諸法實相此不可得亦不可得抄又迦葉菩薩白佛言一切諸法中悉有安樂性唯願大世尊為我分別說又般若經云一切有性皆如來藏普賢菩薩自體徧故法句

經云諸佛依貪瞋而處於道場塵勞諸佛種本來無所動五蓋及五欲為諸佛種性常以是莊嚴本來無所動諸法從本來無是亦無非是非性寂滅本來無所動已上六文是利根人菩提心耳問煩惱菩提若一體者唯應任意起惑業耶答生如是解名之為惡取空者專非佛弟子今反質云汝若煩惱即菩提故欣起煩惱惡業亦應生死即涅槃故欣受生死猛苦何故於刹那苦果猶厭難堪於永劫苦因欣自恣作是故當知煩惱菩提體雖是一時用異故染淨不同如水與冰亦如

種菓其體是一隨時用異由此修道者顯本有佛性
不修道者終無顯理如涅槃經三十二云善男子若
有人問是種子中有果無果耶應定答言亦有亦無
何以故離子之外不能生果是故名有子未出牙是
故名無以是義故亦有亦無所以者何時節有異其
體是一衆生佛性亦復如是若言衆生中別有佛性
者是義不然何以故衆生卽佛性佛性卽衆生直以
時異有淨不淨善男子若有問言是子能生果不是
果能生子不應定答言亦生不生已問凡夫不堪勤

修何虛發弘願耶答設不堪勤修猶須發悲願其益
無量如前後明調達誦六万藏經猶不免那落慈童
發一念悲願忽得生兜率則知昇沈差別在心非行
何況誰人一生之中不一稱南無佛不一食施衆生
須以此等微少善根皆應攝入四弘願行故行願相
應不爲虛妄願如優婆塞戒經第一云若人不能一
心觀察生死過咎涅槃安樂如是之人雖復慧施持
戒多聞終不能得解脫分法若能厭患生死過咎深
見涅槃功德安樂如是之人雖復少施小戒小聞卽

能獲得解脫分法

已上於無量世以無量財施無量人於無量佛所受持禁戒於無量

世無量佛所受持讀誦十二部經名為多施戒聞以一把抄施一乞人一日一夜受持八禁讀一四句偈

名少施戒聞是故行者隨事用心乃至一善無空過

如經廣說者如大般若經云若諸菩薩行深般若波羅密多方

便善巧無有一心一行空過而不回向一切智者

問云何用心答如寶積經九十三云須食施食為具

足一切智力故須飲施飲為斷渴愛力故須衣施衣

為得無上慚愧衣故施坐處為坐菩提樹下故施燈

明為得佛眼明故施紙墨等為得大智慧故施藥為

除衆生結使病故如是乃至或自無財當生心施欲

得開示無量無邊一切衆生有力無力如上布施是

我善行已上經文甚廣今畧抄之可見如是隨事常發心願願令此

衆生速成無上道願我如是漸漸成就第一願行圓

滿檀度速證菩提廣度衆生發一愛語施一利行同

一善事准此應知若暫制伏一念惡時應作是念願

我如是漸漸成就第二願行斷諸惑業速證菩提廣

度衆生若讀誦修習一文一義時應作是念願我如

是漸漸成就第三願行學諸佛法速證菩提廣度衆

生觸一切事常作用心我從今身漸漸修學乃至生
極樂自在學佛道速證菩提究竟利生若常懷此念
隨力修行者如滲雖微漸盈大器此心能持巨細万
善不令漏落必至菩提如華嚴經入法界品云譬如
金剛能持大地不令墜沒菩提之心亦復如是能持
菩薩一切願行不令墜落沒於三界云云問凡夫不
堪常途用心爾時善根爲唐捐耶答若至誠心心念
口言我從今日乃至一善不爲己身有漏果報盡爲
極樂盡爲菩提發此心後所有諸善若覺不覺自然

趣向無上菩提如一穿渠溝諸水自流入轉至江河
遂會大海行者亦爾一發心後諸善根水自然流入
四弘願渠轉生極樂遂會菩提薩婆若海何況時時
憶念前願具如下回向門問凡夫無力能捨難捨或
復貧乏以何方便令心順理答寶積經云如此布施
若無有力不能學之不能捨財是菩薩應如是思惟
我今當勤加精進時時漸漸斷除慳貪恡惜之垢我
當勤加精進時時漸漸學捨財施與常令我施心增
長廣大已又因果經偈云若有貧窮人無財可布施

見他修施時而生隨喜心隨喜之福報與施等無異
十住毘婆沙偈云我今是新學善根未成就心未得
自在願後當相與上行行者應當如是用心問此中緣
理發菩提心亦可信因果勤修行道耶答理必可然
如淨名經云雖觀諸佛國及與衆生空而常修淨土
教化諸群生中論偈云雖空亦不斷雖有而不常業
果報不失是名佛所說又大論云若諸法皆空則無
衆生誰可度者是時悲心便弱或時以衆生可愍於
諸法空觀弱若得方便力於此二法等無偏黨大悲

心不妨諸法實相得諸法實相不妨大悲生如是方
便是時便得入菩薩法位住阿鞞跋致地畧問若偏
生解其過云何答無上依經上卷明空見云若有入
執我見如須彌山大我不驚怖亦不毀皆增上慢人
執著空見如一髭髮作十六分我不許可又中論第
二偈云大聖說空法爲離諸見故若復見有空諸佛
所不化佛藏經念僧品破有所得執云有所得者說
有我人壽者命者憶念分別無所有法或說斷常或
說有作或說無作我清淨法以是因緣漸漸滅盡我

久在生死受諸苦惱所成菩提是諸惡人爾時毀壞
畧又同經淨戒品云我見人見衆生見者多墮邪見
斷滅見者多疾得道何以故是易捨故是故當知是
人寧自以利刀割舌不應衆中不淨說法有所得執
名為不淨
大論並明二執過云譬如人行狹道一邊深水一邊
大火二邊俱死著有著無二事俱失是故行者常
觀諸法本來空寂亦常修習四弘願行如依空地造
立宮舍唯地唯空終不能成此是由諸法三諦相即
故中論偈云因緣所生法我說即是空亦名為假名

亦是中道義云云更檢止觀問執有之見罪過既重
緣事菩提心豈有勝利耶答堅執有時過失乃生所
言緣事非必堅執若不爾者應無見有得道之類見
空亦爾譬如用火手觸為害不觸有益空有亦爾二
明利益者若人如說發菩提心設少餘行隨願決定
往生極樂如上品下生之類是也如是利益無量今
略示一端止觀云寶梁經云比丘不修比丘法大千
無唾處况受人供養六十比丘悲泣白佛我等乍死
不能受人供養佛言汝起慙愧心善哉善哉一比丘

白佛言何等比丘能受供養佛言若在比丘數修僧業得僧利者是人能受供養四果向是僧數三十七品是僧業四果是僧利比丘重白佛若發大乘心者復云何佛言若發大乘心求一切智不障數不修業不得利能受供養比丘驚問云何是人能受供養佛言是人受衣用敷大地受揣食若須彌山亦能畢報施主之恩當知小乘之極果不及大乘之初心已上消信施又云如來密藏經說若人父為緣覺而害盜三寶物母為羅漢而汙不實事謗佛兩舌間取聖惡口罵

聖人壞亂求法者五逆初業之瞋奪持戒人物之貪邊見之癡是為十惡者若能知如來說因緣法無我人衆生壽命無生無滅無染無著本性清淨又於一切法知本性清淨解知信入者我不說是人趣向地獄及諸惡道何以故法無積聚法無集惱一切法不生不住因緣和合而得生起生已還滅若心生已滅一切結使亦生已滅如是解無犯處若有犯有住無有是處如百年闇室若燃燈時闇不可言我是室主住此久而不肯去燈若生闇即滅其義亦如是此經

具指前四菩提心已上在彼經下卷言前華嚴經入

法界品云譬如善見藥王滅一切病菩提心滅一切

衆生諸煩惱病譬如牛馬羊乳合在一器以師子乳

投彼器中餘乳消盡直過無礙如來師子菩提心乳

著無量劫所積諸業煩惱乳中皆悉消盡不住聲聞

緣覺法中大般若經云若諸菩薩雖多發起五欲相

應非理作意而起一念無上菩提相應之心即能折

滅已上三文入法界品云譬如有人得不可壞藥一

入法界下
至無損滅
信未未缺

不可壞法藥一切煩惱諸魔怨敵所不能壞譬如有人

得住水寶珠瓔珞其身入深水中而不沒溺得菩提

心住水寶珠入生死海而不沈沒譬如金剛於百千

劫處於水中而不爛壞亦無變異菩提之心亦復如

是於無量劫處生死中諸煩惱業不能斷滅亦無損

滅又同經法幢菩薩偈云若有智慧人一念發道心

必成無上尊慎莫生疑惑已上終不敗壞又入法界

品云譬如閻浮檀金除如意寶勝一切寶菩提之心

閻浮檀金亦復如是除一切智勝諸功德譬如迦楞

爛壞無
不字又作
無異變
作損滅

波利質下
至不能及
行卷七
抄出然婆
師華作波
師迦華

毘伽鳥在聲中時有大勢力餘鳥不及菩薩摩訶薩亦復如是於生死聲發菩提心功德勢力聲聞緣覺所不能及譬如波利質多樹花一日薰衣瞻蔔華波師花雖千歲薰所不能及菩提心花亦復如是日所薰功德香徹十方佛所聲聞緣覺以無漏智薰諸功德於百千劫所不能及譬如金剛雖破不全一切眾寶猶不能及菩提之心亦復如是雖少懈怠聲聞緣覺諸功德寶所不能及已上經中有二賢首品偈云菩薩於生死最初發心時一向求菩提堅固不可

動彼一念功德深廣無涯際如來分別說窮劫不能盡此言發心通於凡聖具見弘決又同經偈云一切眾生心悉可分別知一切刹微塵尚可算其數十方虛空界一毛猶可量菩薩初發心究竟不可測又出生菩提心經偈云若此佛刹諸眾生令住信心及持戒如彼最上大福聚不及道心十六分若諸佛刹恒河沙皆悉造寺求福故復造諸塔如須彌不及道心十六分乃如是人等復勝法若求菩提利眾生彼等眾生最勝者此無比類況有上是故得聞此諸法智者常生樂法心

當得無邊大福聚速得證於無上道寶積經偈云菩
提心功德若有色方分周遍虛空界無能容受者云
云菩提心有如是勝利是故迦葉菩薩禮佛偈云發
心畢竟二無別如是二心前心難自未得度先度他
是故我禮初發心又彌伽大士聞善財童子已發菩
提心即從師子座下放大光明照三千界五體投地
禮讚童子已上總顯勝利問緣事誓願亦有勝利耶答雖不
如緣理此亦有勝利何以知者上品下生業云但發
無上道心不云解第一義故知唯是事菩提心若不

爾者與彼中生業應無別一其往生論明菩提心但云
以拔一切衆生苦故以令一切衆生得大菩提故以
攝取衆生生彼國土故云云若緣事心無往生力論
主豈不示緣理心其大論第五偈云若初發心時誓
願當作佛已過諸世間應受世供養云云此論亦但
云願作佛明事菩提心亦畢消信施其止觀引秘密
藏經已云初菩提心已能除重重十惡況第二第三
第四菩提心耶云云所言初者是三藏教緣界內事
菩提心也何況深信一切衆生悉有佛性普願自他

共成佛道豈無滅罪其唯識論云不執菩提有情實
 有無由發起猛利悲願已大士悲願尚執有起則知
 事願亦有勝利其餘如下面向門問信解眾生本有
 佛性豈非緣理答此是信解大乘至極道理非必第
 一義空相應觀慧問十疑引雜集論云若有願生安
 樂淨土即得往生者若人聞無垢佛名即得阿耨菩
 提者此是別時因全無行已慈恩同云願行前後故
 說別時非謂念佛不即生也已明知有願無行是別
 時意云何上品下生之人但由菩提願即得往生耶

答大菩提心功能甚深滅無量罪生無量福故求淨
 土隨求即得所言別時意者但為自身願求極樂非
 是四弘願廣大菩提心問大菩提心若有此力一切
 菩薩從初發心決定應無障惡趣者答菩薩未至不
 退位前染淨二心間雜而起前念雖滅眾罪後念更
 造眾罪又菩提心有淺深強弱惡業有久近定不定
 是故退位昇沈不定非菩提心無滅罪力且述愚管
 見者取捨

三料簡者問入法界品云譬如金剛從金性生非餘

寶生菩提心寶亦復如是大悲救護衆生性生非餘
善生莊嚴論偈云雖恒處地獄不障大菩提若起自
利心是大菩提障又丈夫論偈云悲心施一人功德
大如地爲已施一切得報如芥子救一厄難人勝餘
一切施衆星雖有光不如一月明已明自利行非是
菩提心之所依得報亦少云何獨願速生極樂答豈
不前言願極樂者要發四弘願隨願而勤修此豈非
是大悲心行又願求極樂非是自利心所以然者今
此娑婆世界多諸留難其露未沾苦海朝宗初心行

者何暇修道故今爲欲圓滿菩薩願行自在利益一
切衆生先求極樂不爲自利如十住毘婆沙云自未
得度不能度彼如人自沒於泥何能拯濟餘人又如
爲水所溺不能濟溺是故說我度已當度彼又如法
句偈說若能自安身在於善處者然後安餘人自同
於所利已故十疑言所以求生淨土欲救拔一切衆
生苦故卽自思忖我今無力若在惡世煩惱境中以
境強故自被纏縛淪溺三途動經數劫如此輪轉無
始已來未曾休息何時能得救衆生苦爲此求生淨

土親近諸佛證無生忍方能於惡世中救衆生苦上已
餘經論文具如十疑也應知念佛修善爲業因往生
極樂爲花報證大菩提爲果報利益衆生爲本懷譬
如世間植木開花因花結菓得菓食受問念佛之行
於四弘中是何行攝答修念佛三昧是第三願行隨
有所伏滅是第二願行遠近結良緣是第一願行積
功累德成第四願自餘衆善例知不俟問一心念佛
理亦往生何要經論勸菩提願答大莊嚴論云佛國
事大獨行功德不能成就要須願力如牛雖力挽車

要須御者能有所至淨佛國土由願引成以願力故
福慧增長上已十住毘婆沙論云一切諸法願爲根本
離願則不成是故發願又云若人願作佛心念阿彌
陀應時爲現身是故我歸命上已大菩提心既有此力
是故行者要發此願問若不發願者終不往生耶答
諸師不同有云九品生人皆發菩提心其中品人本
雖是小乘後發大心得生彼國由彼本習暫證小果
其下品人雖退大心而其勢力猶在得生慈恩有云
中下品但由福分生上品具福分道分生云云道分

者是菩提心行也問如菩提心諸師異解欣淨土心
 亦不同耶答大菩提心雖有異說欣淨土之願九品
 皆應具問若淨土業依願得報如人作惡不願地獄
 彼不應得地獄果報答罪報有量淨土報無量二果
 既別二因何一例如大論第八云罪福雖有定報但
 作願者修小福有願力故得大果報一切衆生皆願
 得樂無願苦者是故不願地獄以是故福有無量報
 罪報有量略抄問以何等法世世增長大菩提願而不
 忘失答十住婆沙第三偈云乃至失身命轉輪聖王

位於此尚不應妄語行諛曲能令諸世間一切衆生
 類於諸菩薩衆而生恭敬心若有人能行如是之善
 法世世得增長無上菩提願文中亦有廿二種失菩提心法可見

往生要集卷上末終

往生要集卷中本

天台首楞嚴院沙門源信撰

第四觀察門者初心觀行不堪深奧如十住毗婆沙
 云新發意菩薩先念佛色相又諸經中為初心人多
 說相好功德是故今當修色相觀此分為三一別相
 觀二總想觀三雜略觀隨意樂應用之初別相觀者
 亦有二先觀華座觀經云欲觀彼佛者當起想念於
 七寶地上作蓮華想令其蓮華一一葉作百寶色有
 八万四千脉猶如天畫脉有八万四千光了了分明

皆令得見華葉小者縱廣二百五十由旬如是華有
八万四千葉一一葉間有百億摩尼珠王以為映飾
一一摩尼珠放千光明其光如蓋七寶合成遍布地
上釋迦毗楞伽寶以為其臺此蓮華臺八万金剛甄
叔迦寶梵摩尼寶妙真珠網以為交飾於其臺上自
然而有四柱寶幢一一寶幢如百千萬億須彌山幢
上寶縵如夜摩天宮右五百億微妙寶珠以為映飾
一一寶珠有八万四千光一一光作八万四千異種
金色一一金光遍其寶土處處變化各各作異相或

為金剛臺或作真珠網或作雜華雲於十方面隨意
變現施作佛事是為華座想如此妙華是本法藏比
丘願力所成若欲念彼佛者當先作此華座想作此
想時不得雜觀皆應一一觀之一一葉一一珠一一
光一一臺一一幢皆令分明如於鏡中自見面像作
此觀者名為正觀若他觀者名為邪觀已上觀此座
相者滅除五
万劫生死之罪必
定當生極樂世界次正觀相好謂阿彌陀佛坐華臺
上相好炳然莊嚴其身一頂上肉髻無能見者高顯
周圍猶如天蓋或樂廣觀者次應觀彼頂上有大光

明具足千色一一色作八万四千支一一支中有八

万四千化佛化佛頂上亦放此光此光相次乃至上

方無量世界於上方界有化菩薩如雲而下圍遶諸

佛大集經云恭敬父母師僧和上得肉髻相云云若於此相生隨喜者除却千億劫極重惡業不墮三

途二頂上八万四千髮毛皆上向靡右旋而生永無

垢落亦不雜亂紺青稠密香潔細軟或樂廣觀者應

觀一一毛孔旋生五光若中之時脩長難量如釋尊髮長從

尼物樓陛精舍至父王官遠城七匝無量光普照作紺琉璃色色中化

佛不可稱數現此相已還住佛頂右旋宛轉即成曇

文大集經云不以惡事加三於其髮際有五千光間衆生故得髮毛金精相

錯分明皆上向靡圍遶諸髮遶頂五匝如天畫師所作

畫法團圓正等細如一系於其系間生諸化佛有化菩

薩以為眷屬一切色像亦於中見樂廣觀者可用此觀四耳厚

廣長輪埵成就或應廣觀旋生七毛流出五光其光

千色色千化佛佛放千光遍照十方無量世界此隨好之

業因可勤觀佛三昧經云觀此好者滅八十億劫生死之罪後世常為陀羅尼人為眷屬云云下去諸利益

皆依觀佛三昧經而注五額廣平正形相殊妙此妙業因并利益可勤六

面輪圓滿光澤潔怡端正皎潔猶如秋月雙眉皎淨

似天帝弓其色無比紺琉璃光

見來求者生歡喜故面輪圓滿觀此相者

除却億劫生死之罪後身生處面見諸佛

七眉間白毫右旋宛轉柔軟如

都羅綿鮮白逾珂雪或次應廣觀舒之直長大如白

琉璃筒放已右旋如頗梨珠

丈六佛白毫長丈五右旋徑一寸周圍二寸

於十方面現無量光如万億日不可具見但於光中

現諸蓮華上過无量塵數世界華華相次團圓正等

一一花上一化佛坐相好莊嚴眷屬圍遶一一化佛

復出无量光一一光中亦无量化佛是諸世尊行者

無數住者無數坐者無數臥者無數或說大慈大悲

或說三十七品或說六波羅密或說諸不共法若廣

說者一切眾生至十地菩薩亦不能知之

大集經云不隱他德

稱揚其德得此相觀佛經云從无量劫晝夜精進身

心无懈如救頭燃勤修六度卅七品十力无畏大慈

大悲諸妙功德得此白毫觀此相者除劫九 八如來

眼睫猶若牛王紺青齊整不相雜亂或次應廣觀上

下各生有五百毛如優曇華鬚柔軟可愛樂一一毛

端流出一光如頗梨色遠頭一匝純生微妙諸青蓮

華一一華臺有梵天王執青色蓋

大集經云至心求於无上菩提故得牛王

睫相大經云見於 九佛眼青白上下俱眴白者過白

寶青者勝青蓮華或次應廣觀眼出光明分為四支

遍照十方无量世界於青光中有青色化佛於白光

中有白色化佛此青白化佛復現諸神通大集經云

愛視衆生得紺色目相云於少時間觀此相者未十

來生處眼常明淨眼根無病除却七劫生死之罪

鼻脩高直其孔不現如鑄金挺如鸚鵡背表裏清淨

无諸塵翳出二光明遍照十方變作種種无量佛事

觀此隨好者滅千劫罪未來生處十一唇色赤好如

頻婆菓土下相稱如量嚴麗或次應廣觀團圓光明

從佛口出猶如百千赤真珠貫入出於鼻白毫髮間

如是展轉入圓光中此唇隨好業等可勘十二四十齒齊淨密

根深白逾珂雪常有光明其光紅白映耀人目大經

離兩舌惡口患心得十三四牙鮮白光潔鋒利如月

初出大集經云身口意淨故得四牙白相十四世尊

舌相薄淨廣長能覆面輪至耳髮際乃至梵天其色

如赤銅或次可廣觀舌上五畫猶如印文咲時動舌

出五色光遠佛七匝還從頂入所有神變无量光邊

大集經云護口四過得廣長舌相云云觀此相十五

者除百億八万四千劫罪他世值八十億佛

舌下兩邊有二寶珠流注甘露適舌根上諸天世人

十地菩薩无此舌根亦无此味大般若右異說可勘大經云飲食施與故

得上十六如來咽喉如琉璃筒狀如累蓮華所出音

聲詞韻和雅无不等聞其聲洪震猶如天鼓所發言

統均如伽陵頻音任運能遍大千世界若作意时无

量无邊然為利眾生隨類不增減大經云不訟彼短不謗正法得梵音

聲相大集經云於諸眾生常柔軟語故云云十七頸出圓光咽喉上有點

相分明一點中出一光其一光遠前圓光滿

足七匝衆畫分明一一畫間有妙蓮華華上有七佛

一一化佛各有七菩薩以為侍者一一菩薩執如意

珠其珠金光青黃赤白及摩尼色皆悉具足圍遶諸

光上下左右各各一尋圍遶佛頸了了如畫无上依經云衣

服飲食車乘臥具諸莊嚴物歡喜施與得身金色圓光一丈相十八頸出一光其光

万色遍照十方一切世界遇此光者成辟支佛此光

照諸辟支佛頸此相現時行者遍見十方一切諸辟

支佛擲鉢虚空作十八變一一足下皆有文字其字

宣說十二因緣十九缺盆骨滿相光照十方作虎魄

色遇此光者發聲聞意是諸聲聞見此光明光分為

十支一支千色十千光明光有化佛一一化佛有四

比丘以為侍者一一比丘皆說苦空无常无我已上

樂廣觀者二十世尊肩頂圓滿殊妙法華文句云恒

應用之此二十一如來腋下悉皆充實放紅紫光作諸佛事

利益衆生无上依經云於衆生中為利益事修四正

勤心无所畏得兩肩平整而腋下滿相

二十二佛雙臂肘明直臚圓如象王鼻平立摩膝或

次應廣觀手掌千軸理各放百千光遍照十方化成

金水金水之中有一妙水如水精色餓鬼見除執畜

生識宿命狂象見者為師子王師子見金翅鳥諸龍

亦見金翅鳥王是諸畜生各見諸尊心生恐怖合掌

恭敬以恭敬故命終生天大集經云救護怖畏得臂

手摩膝相二十三諸指圓滿充密纖長甚可愛樂於一一

端各生万字其爪光潔如花赤銅瑜伽云於諸尊長

立故得指纖長相二十四一指間猶如雁王咸有鞞網金

色交絡文同綺畫勝閻浮金百千万億其色明達過

於眼界張時則見斂指不見大集經云修四攝法二

攝取衆生故得此相十五其手柔軟如觀羅綿勝過一切內外俱握大集

父母師長若病若自手洗拭捉持安摩故得手軟相二十六世尊領臆并身上

半威容廣大如師子王

瑜伽云於諸有情如法所作能為上首而作助伴離於我

注生身集卷中

慢无諸廣候故得此相二十七胸有万字名寶相印放天光明

或次應廣觀光中有无量百千衆花一一花上有无

量化佛是諸化佛各有千光利益衆生乃至遍入十

方佛頂時諸佛胸出百千光一一光說六波羅密一

一化佛遺一化人端正微妙狀如彌勤安慰行者此

相光者除十二億劫生死之罪二十八如來心相如紅蓮華妙紫金

光以為間錯如琉璃筒懸在佛胸不合不開團圓如

心万億化佛遊佛心間又无量塵數化佛在佛心中

坐金剛臺放无量光一一光中亦有无量塵數化佛

出廣長舌放萬億光作諸佛事念佛心者除十二億劫生死之罪生生得

值无量菩薩云樂廣觀者應作此觀二十九世尊身皮皆真金色光潔

晃耀如妙金臺衆寶莊嚴衆所樂見大經云施衣服臥具得此相

三十身光任運照三千界若作意時无量无边然為

隣愍諸有情故攝光常照面各一尋大經云以香華燈明等施人得

此相云云觀大光者但發心見除却衆罪三十一世尊身相修廣端嚴大

云恭敬尊長迎送侍遠得身直廣相三十二世尊躰相縱廣量等團匝

圓滿如足物陀樹大集經云常勤衆生修三昧得此相報恩經云若有衆生四大不調

能為療治故得身方圓相三十三世尊容儀洪滿端直瑜伽云於疾病者卑

屈瞻侍給施良藥三十四如來陰藏平如滿月有金
故得身不僂曲相大經云見裸施

色光猶如日輪如金剛器中外俱淨衣服故得陰藏

相大集經云覆藏他過故大論云亦修慚愧及斷
相者欲心即止罪障相者欲心即止罪障三十五世尊兩足二手掌中項

除滅得无量功德大經云行施之時所珍之物能捨
及雙肩七處充滿不悛不視福田及非福田得七所

滿三十六世尊雙脰漸次纖圓如翳泥耶仙鹿王脰

膊鈎環骨盤結之間出諸金光瑜伽云自於正法如實

稱善作給使得三十七世尊足跟廣長圓滿與趺相

翳泥耶膊相稱勝諸有情三十八足跌修高猶如龜背柔軟妙好

與跟相稱瑜伽云感足下平滿千輻輪纖長指三相

故三十九如來之身前後左右及以頂上各有八万

四千毛生柔潤紺青右旋宛轉或次應廣觀一一毛

端有百千万塵數蓮華一一蓮華生无量化佛一一

化佛現諸偈頌聲聲相次猶如雨沛諸勝善法无中

下品恒令增上得身毛上靡右旋宛轉相優婆塞戒

經日親近智者樂聞樂論聞已樂修樂治道路除失

棘刺四十世尊足下千輻輪文網縠衆相无不圓滿

瑜伽云於其父母種種供養於諸有情諸苦惱事種

除却千劫種救護由往來等動轉業故得此相云見千輻輪相
極重惡業四十一世尊足下有平滿相妙善安住猶

如_二蓋底地_一雖高下隨足所踏皆悉_二怛然无不等觸_一經大
云持戒不動施心不移安住實語故得此相云云其
足柔軟諸指纖長鞵細具足内外握等相及業因同

前手四十二樂廣者應觀足下及跟各生_二花圍遶_一

諸光滿足十匝花花相次_一一花上有五化佛_一一

化佛五十五菩薩以為侍者_一一菩薩頂生摩尼珠

光此相現時佛諸毛孔生八万四千微細少光明嚴

饒身光極令可愛此光一尋其相衆多乃至他方諸

大菩薩觀此之時此光隨大_上是諸相好行相利益

廢立等事諸文不同然今三十二略相多依大般右

廣相隨好及諸利益依觀佛經又相好業有其總別

言惣因者瑜伽四十九云始從清淨勝意樂地_一切

所有菩提資糧无有差別能感_二一切相及好_一云言

別因者彼論有_二三種_一一者六十二因具如論文_二二者

淨戒若諸菩薩毀犯淨戒尚不能得_二下賤人身何况

能感大丈夫相_一三者四種善修_一善修事業_二善巧

方便_三饒益有情_四无倒迴向_上別因之中亦有多

差別今者且取因果相順者也前後次第諸文亦不

同今者隨宜取為次第也相好間雜以為觀法亦是

觀佛經之例也順觀次第大途如是逆觀友之從定
至頂觀佛三昧經云閉眼得見以心想力了了分明
如佛在世雖觀是相不得衆多從一事起復想一事
一事想已復想一事逆順反覆經十六反如是心想
極令明利然後住心繫念一處如是漸漸舉舌向膈
令舌政住經二七日然後身心可得安穩導和尚云
十六遍後住心觀白毫相不得雜亂二總相觀者先
觀如前衆寶莊嚴廣大蓮華次觀阿彌陀佛坐華臺
上身色如百千万億閻浮檀金身高六十万億那由

他恒河沙由旬眉間白毫右旋婉轉如五須彌山眼
如四大海水清白分明身諸毛孔演出光明如須彌
山圓光如百億大千界光中有无量恒河沙化佛一
一化佛以無數菩薩爲侍者如是有八万四千相一
一相各有八万四千隨好一一好復有八万四千光
明一一光明遍照十方世界念佛衆生攝取不捨當
知一一相中各具七百五俱胝六百万光明熾然赫
爽神德巍巍如金山王在大海中无量化佛菩薩充
滿光中各現神通圓遠弥陀佛彼佛如是具足无量

功德相好在於菩薩衆會之中演說正法行者是時
都無餘色相須彌鐵圍大小諸山悉不現大海江河
土地樹林悉不現蓋目之者但是弥陀佛相好周遍
世界之者亦是閻浮檀金光明譬如劫水彌滿世界
其中万物沉沒不現濕漉浩汗只見大水彼佛光明
亦復如是高出一切世界上相好光明靡不照耀行
者以心眼見於已身在於彼光明所照之中已上依
觀經雙
卷經般舟經大論等意此或應觀彼佛是三身一體
觀成後隨樂作次觀耳
之身也於彼一身所見不同或丈六或八尺或廣大

身所現身皆金色所利益各無量與一切諸佛其事
同一應化又一一相好凡聖不得其邊梵天不見其
頂日連不窮其聲無形第一身非莊嚴莊嚴十力四
无畏三念住大悲八万四千三昧門八万四千波羅
密門恒沙塵數法門究竟圓滿與一切諸佛其意同
一報身微妙淨法身具足諸相好一一相好即是實相
實相法界具足无減不生不滅无去來不一不異非
斷常有爲無爲諸功德依此法身常清淨與一切諸
佛其躰同一法是故三世十方諸佛三身普門塵數

無量法門佛衆法海圓融万德凡无盡法界備在弥陀一身不縱不橫亦非一非異非實非虛亦非有無本性清淨心言路絕譬如如意珠中非有寶非无寶佛身万德亦復如是又非即陰入界名為如來彼諸衆生皆悉有之故非離陰入界名為如來離之則是无因緣法故非即亦非離寂靜但有名是故當知所觀衆相即是三身即一之相好光明也諸佛同躰之相好光明也万德圓融之相好光明也色即是空故謂之真如實相空即是色故謂之相好光明一色一

香无不中道受想行識亦復如是我所有三惡道與弥陀佛萬德本來空寂一體无尋願我得佛齊聖法王已上依觀經心地觀經金光明經念佛三昧經般若經止觀等意三雜略觀者彼佛眉間有一白毫右旋宛轉如五須弥於中復有八万四千好一一好有八万四千光其光微妙具衆寶色惣而言之七百五俱胝六百万光明十方面赫炎如億千日月其光中現一切佛身无数菩薩衆會圍遶復出微妙音宣暢諸法海又彼一一光明遍照十方世界念佛衆生攝取不捨我亦在彼攝取之中煩

我亦在下
至照我身
信卷本缺
抄出

惱障眼雖不能見大悲无倦常照我身或應起自心
 生極樂國於蓮華中結跏趺坐作蓮華合想尋蓮華
 開時瞻仰尊顏觀白毫相時有五百色光來照我身
 即見无量化佛菩薩滿虛空中水鳥樹林及與諸佛
 所出音聲皆演妙法如是思想冷心欣悅願共諸眾
 生往生安樂國已上依觀經花屬若樂極略者應念
 彼佛眉間白毫相旋轉猶如頗梨珠光明遍照攝我
 等願共眾生生彼國若有不堪觀念相好或依歸命
 想或依引攝想或依往生想應一心稱念已上意樂不同故明

種種行住坐臥語默作常以此念在於胸中如飢

念食如渴追水或低頭舉手或舉聲稱名外儀雖異
 心念常存念念相續寤寐莫忘問彼佛真身非是凡
 夫心力所及但應觀像何觀大身答觀經云无量壽
 佛身量无邊非是凡夫心力所及然彼如來宿願力
 故有憶想者必得成就但想佛像得無量福况復觀
 佛具足身相已上明知初心亦隨樂欲得觀真身問所
 言弥陀一身即一切佛身者有何證據答天台大師
 云念阿弥陀佛即是念一切佛故華嚴經云一切諸

佛身即是一佛身一心一智慧力无畏亦然上已又觀
佛三昧經云若思惟一佛即見一切佛云問爲如諸
佛躰性无二念者功德亦无別耶答等无差別故文
殊般若經下卷云念一佛功德无量无边亦與无量
諸佛功德无二不思議佛法等无分別皆乘一如成
最正覺悉具无量功德辨才如是入一行三昧者盡
知恒沙諸佛法界无差別相問諸相功德肉髻梵音
是爲最勝今多勸白毫有何證據耶答其證甚多略
出一兩觀經云觀無量壽佛者從一相好入但觀眉

間白毫極令明了見眉間白毫者八万四千相好自
然當見又觀佛經云如來有无量相好一一相中八
万四千諸小相好如是相好不及白毫小分功德是
故今日爲於來世諸惡衆生說白毫相大惠光明消
惡觀法若有邪見極重惡人聞此觀法具足相貌生
瞋恨心无有是處縱使生瞋白毫相光亦復覆護暫
聞是語除三劫罪後身生處生諸佛前如是種種百
千億種諸觀光明微妙境界不可悉說念白毫時自
然當生又云鹿心觀像尚得如是无量功德况復繫

念觀佛眉間白毫相光又云釋迦文佛現行者前告
 言汝修觀佛三昧力故我以涅槃相力示汝色身令
 汝諦觀汝今坐禪不得多觀汝後世人多作諸惡但
 觀眉間白毫相光作此觀時所見境界如上所說已
 抄上所說者見佛種種境界也諸餘利益至下別時
 行及利益門應知問觀白毫一相亦名三昧耶答亦
 故觀佛經第九云若能繫心觀一毛孔是人名為行
 念佛定以念佛故十方諸佛常立其前為說正法此
 人即為能生三世諸如來種何況具足念佛色身問

何故不觀淨土莊嚴耶答今為不堪廣行之者唯勸
 略觀若欲觀者應讀觀經何況前明十種事即是淨
 土莊嚴也問何故不觀觀音勢至耶答略故不述念
 佛已後應觀三菩薩或稱名號多少隨意
 第五明迴向門者五義具足是真迴向一聚集三世
 一切善根華嚴經意二薩婆若心相應三以此善根共一
 切眾生四迴向無上菩提五觀能施所施施物皆不
 可得能令諸法實相和合大論意依此等義心念口言
 所修功德及以三際一切善根其迴向自他法界一

三行生要卷中

十五

切衆生平等利益其滅罪生善共生極樂普賢行願
速疾圓滿自他同證無上菩提盡未來際利益衆生
其廻施法界其廻向大菩提其問未來善根未有以
何廻向答華嚴經說第三廻向菩薩行相云以三世
善根而無所著無相離相悉以廻向刊定記有二釋
一未來善根雖未有今若發願願薰成種攝持力故
未來所修任運注向衆生菩提不待更廻向也二依
此教中菩薩乃至修一念善攝法性故遍於九世故
用彼善根廻向也問第二何名薩婆若相應心答論

云阿耨菩提意即是應薩婆若心應者較心願我當
作佛問第三第四何故要共一切衆生及以廻向无
上菩提答六波羅密經云云何少施功德多耶以方
便力小分布施廻向發願與一切衆生同證无上正
等菩提以是功德无量无边猶如小雲漸遍法界乃
以一舉一蕖施亦寶積經卅六云菩薩摩訶薩所有
已生諸妙善根一切廻向无上菩提令此善根畢竟
无盡譬如小水投于大海乃至劫燒中无有盡又大
莊嚴論偈云行施不求妙色財亦不願感天人趣專

求无上勝菩提施微便感无量福_已故以諸善根盡
迴向佛道又大論云譬如慳貪人无因緣乃至一錢
不施貪慳積聚但望增長菩薩亦如是福德若多若
少不向餘事但愛惜積集向薩婆若_已問若尔唯應
迴向善提何故更云往生極樂答菩提是果報極樂
是花報求果之人盡期花耶是故九品業皆云迴向
願求生極樂國問發願迴向有何差別答誓期所求
名之爲願迴向所作業趣向於彼謂之迴向問薩婆若
與无上菩提二无差別何分爲二答論明迴向分之

爲二故今順之更檢論文問次何故觀所有事悉令
空耶答論云着心取相菩薩修福德如草生火易可
得滅若躄得實相菩薩以大悲心行衆行難可得破
如水中火无能滅者問若尔應唱言空无所得何故
今云迴施法界答理實可然然今順於國土風俗故
云法界理亦无違所以然者法界即是圓融无作第
一義空以所修善迴趣相應彼第一義空名迴施法
界問最後何意唱言迴向大菩提耶答此是令與薩
婆若相應也此亦順土風置之未後言薩婆若即是

菩提如前論文問有相迴向无利益耶答如上數論
雖有勝劣猶有巨益如大論第七云有小因大果小
緣大報如求佛道讚一偈一稱南无佛燒一捻香必
得作佛何況聞知諸法實相不生不滅不生不不
滅而行因緣業亦不失已此文深妙譬中明珠則知
我等成佛无疑歸命龍樹尊證成我心願

大文第五助念方法者一日之羅不能得鳥万術助
觀念成往生大事今以七事略示方法一方處供具
二修行相見三對治懈怠四止惡修善五懺悔眾罪

六對治魔事七總結行要

第一方處供具者內外俱淨一閑處隨力辦於華
香供具若有闕少華香等事但專念佛功德威神若
親對佛像須辨燈明若遙觀西方或須闍室感禪師許闍室
若供華香時須依觀佛三昧經供養文意其所得福
无量无边煩惱自減少六度自圓滿其文不異通途所用故不更抄
若用念珠時欲求淨土用木槌子欲多功德用菩提
子乃至或水精蓮子等見念珠功德經
第二修行相見者依攝論等用四修相一者長時修要決

云從初發心乃至菩提恒作淨因終无退轉善導禪師云
 畢命為期誓不中止二者懇重修謂於極樂佛法僧寶
 心常憶念專生尊重要決云行住坐臥不背西方涕唾便
 利不向西方導禪師云面向西方者取勝如樹先傾倒必
 隨曲必有事礙不及向西方者但作向西想亦得三者
 无間修要決云謂常念佛作往生心於一切時心恒想
 巧譬若有人被他抄掠身為下賤備受艱辛忽思父母
 欲走歸本國行裝未辦由在他鄉日夜思惟苦不堪忍无
 時暫捨不念耶孃為計既成便歸得達親近父母縱任

歡娛行者亦尔往因煩惱壞亂善心福智珍財并皆散
 失久沈生死制不自由恒與魔王而作僕使駢馳六道
 苦切身心今遇善緣忽聞弥陀慈父不違弘願濟拔羣
 生日夜驚忙發心願往所以精勤不倦當念佛恩報
 盡為期心恒計念導師云心心相續不以餘業間又
 不以貪瞋等間隨犯隨懺不令隔念隔時隔日常令
 清淨私云晝夜六時或三時二時要具方法精勤修
 習其餘時處不求威儀不論方法心口无廢常應念
 佛四者无餘修要決云專求極樂禮念弥陀但諸餘